

L. VII-155



# EPITHALAMION

## SPRITVALIVM

NVPTIARVM, EPISCOPI

CVM SVA SPONSA

ECCLESIA

SIVE.

De Consecratione Episcopi Sermo:

Apud Serenissimum STEPHANVM POLONORVM Regem,

In Consecratione Reuerendiss. Domini IOANNIS AN-

D RAE Caligarij, Brittoniensi Episcopi, sancte

Sedis Apostolica Nunciij.

PER STANISLAVM SOCLOVIVM, SACRAE

Theologiae Doctore, in Comitibus Vaarsouienfibus habitus,

In quo ritus, verustas, mysteria, & vsus consecrationis Episco-

pi, ex sententijs & auctoritate Sanctorum Patrum ex-

plicantur: functio item & dignitas

Episcopalis tota.



BONONIAE.

In Officina Alessandri Benacci. 1580.

Superiorum permissa.

D. Gul. Baldeanus Coll. Taurinensi Soc. J. etu D. D.

HOSEE. II.

**S**ponsabo te mihi in sempiternum: & sponsabo  
te mihi in iusticia, & iudicio, & in miseri-  
cordia, & in miserationibus: & spon-  
sabo te mihi in fide, & scis quia  
ego Dominus.



DOMINO D. IOANNI

ANDREAE CALIGARIO,

EPIS. BRITTONORIENSI,

ADSERENTISSIMUM

STEPHANVM POLONO-

rum Regem, &c.

Nuncio Apostolico.

STANISLAVS SOCOLOVIVS.

Pacem, & Gaudium.



PROFICISCENTI mihi  
Vuarlouia, ac in hoc ocium,  
quod mihi benignissimus  
Deus per munificum Regem,  
benignè ac liberaliter compa-  
rauit, post tot belli, Aula, lon-  
gissimarum peregrinationum  
iactationes, me referenti, tuâq;

dexteram exosculari volenti; multa tu mecum de mul-  
tis, vt soles, humanissimâ locutus es: vltimum illud,  
quæ tua est summa pietas, ac decoris domus domini  
incredibilis zelus, me monuisti, nec hoc meum quale-  
cunque talentum, more serui nequam, sub terra ab-  
sconderem, sed potius illo, qualecunque esset. rem

domino, ac patrifamilias meo quærerem. Recipi me omnia, quantum possem, facturum, quæ tum sanctissimè monebas: ac dum alij aurum, argentum, prætiosum lapidem, æs, hyacinthum, purpuram, coccumq; bis tinctum, & bislum, cedros item, & id genus aliud preciosæ materiæ, ad decus & ornamentum tabernaculi Domini, vestimentiq; Sacerdotalis, promptè & munificè conferunt; dixi me quoque, vel pilos caprarum, atque pelles apportaturum. Cuius meæ obedientiæ, ac datæ fidei principium dare volui ab illo ipso sermone, quem in augustissimâ illa primæ in augurationis tuæ Panegyri, præsentè Rege, Senatu, ac vniuersis Comitijs, de ritu, mysterijs, vetustate, vsu Consecrationis Episcopi, totâ denique dignitate, auctoritate, ac functione Pontificali habui. quem tum quidem, pro ratione temporis, breuiter & quasi in cōpendio explicauit: nunc autem in multis sententijs quasi floribus quibusdam, antiquissimorum & Sanctissimorum Patrum aspersum, ac veluti conditum, ad eius primum parentem & auctorem (nam ego nutricis tantum & alumni partes sustineo) signum & testimoniū cum meæ incredibilis erga te obseruantia, tum rectè & honestè dispensati ocij mitto. Tu si dignū iudicabis, alijs legendum trades: qui si non re & maturitate, nouitate certè argumenti se commendare poterit. Et contulerunt quidem alij ad hoc opusculum exornandum verba, alij sententijs, alij argumenta: tu vna illa tua præstanti ac verè Pontificia, exemplum & formam

eius



eius ipsius Pontificis, quem Sancti Patres suis pulcherrimis depingunt coloribus, nobis representa. Cuius quidem rei non initia & inchoationes quaedam obscuras, sed perfecta, & consummata quaedam specimina nobis edidisti. Quis enim te, aut vitæ honestate & sanctitate innocentior; aut deuotione, ac cultu diuino audentior? quis in omnibus periculis ac discriminibus, pro Religione Christiana subeundis audentior? quis in laboribus sustinendis, in ista tua affecta valetudine firmior? quis in deprehendendis technis, & insidijs inimicorum Dei sagacior ac circumspectior? quis in omni retinenda veteri disciplina vigilantior? quis in com-  
monendis Principibus prudentior, simul ac liberior? quis in exornandis, ac commendandis bonis, & Ecclesia Dei dignis viris, magis prolixus, magis munificus? quis in admittendis & audiendis omnibus magis humanus & affabilis? at qui hoc est nostrarum, vel tuarum potius Nuptiarum argumentum, hæc sententia: quo quidem nomine te omnes amamus, omnes suspicimus, omnes tanquam hominem quendam diuinum cœlitus, in hanc Prouinciam demissum admiramur. Certet igitur exemplum cum regula, facta cum dictis, Episcopus cum forma & specie Episcopi. quod cum abunde sine omni monitore tua sponte facias, quid aliud restat: nisi ut quàm diutissimè felix & incolumis, honori diuino, Ecclesiæ utilitati, nostrum omnium instructioni viuas? SOCOLOVII autem tui, cum apud te ipsum, tum apud vtrunque, Regem

gem coelestem inquam, & hunc nostrum in terra san-  
 ctæ & pie ver sanctem STEP AN VM, aliosq; viros  
 bonos, nunquam obliuiscaris. Vtinam nobis diutius  
 nostro ocio perui liceat. Vale Autistes optime & vi-  
 gilantissime. Cracouiz decimasexta Aprilis Anno  
Domini. 1580.

STANISLAI  
SOCOLOVII DE  
CONSECRATIONE  
EPISCOPI.

Sermo.



NAVIGRATIONI atque  
consecrationi Diuini Hierarchæ in-  
tersumus, magniq; arcana Sacra-  
menta oculis nostris subiici cerni-  
mus. Video autem vos loqui, quam-  
ues taceatis, illudq; à me expectare,  
dum, quid tandem sibi velint hæc mysteria, quid hæ ipse  
tam proluxa & multiplices Ceremoniæ, vobis explico. qua  
in re non ita quidem libenter & cupide, quam necessario vo-  
bis morem gerendum esse duxi. Non libenter quidem: quod  
ad à maioribus nostris Sanctissimis viris in eo mysteriorum  
genere palam & publicè factitatū non sit. Quod prohibitū  
etiā à multis, ne fiat: quod hæc diuina Sacramenta arcana  
si silentio sanctius & augustius coluntur; quod denique res  
tanti momenti breuiter explicari non possit, volumineq; po-  
tius integro, quam vno breui Sermonē, opus habeat. Necessa-  
rio

riò tamen, ne silentium locum calumnie det, Ne res illa, quam lucem fugiunt, tenebra esse redeantur. ne illa quæ sacra sunt, dum non intelliguntur, prophana putentur præsertim in hac hominum multitudine, qui illa omnia, quæ ignorant, blasphemant; quæ autem naturaliter, ut bruta animalia, norunt, in his corrumpuntur. Nuptiæ igitur istæ sunt Sponsi & Sponsæ, Episcopi & Ecclesiæ, humanisq; diuina sanctè & pie à sacris Antistitibus demonstrantur; his quæ sub sensum cadunt, illa quæ ab omni sensu, & oculorum intuitu sunt remota, materialibus ea quæ materia carent, externis illa quæ intus geruntur. Corporeis enim imaginibus, ait sacer Dionysius, quàm diu corporeis cõpagibus inclusi sumus, nec omnino possumus mērem à consuetudine corporis auocare, sumus identidem ad memoriam cœlestium rerum reuocandi. Neq; verò vulgares quadam aut prophana hæ sunt nuptiæ, sed illæ, ex quibus omnis Hierarchici ordinis ratio, per quam vera Iesu Christi singulari ac suo quodam modo dignoscitur Spōsa, pendet: vnde omnis regiminis & gubernationis Ecclesiastice oritur propago, per quam illa ipsa continua & perpetua Spiritualis & Apostolica generationis deducitur successio, amplissimum & singulare Catholica veritatis argumentum, illiusq; seminis de quo Isaias dixit: Spiritus meus qui in te est, & verba mea quæ posui in ore tuo, non recedent de ore tuo, & de ore seminis tui, à modo vsque in sempiternum. Ex quibus item nuptiis omnia Sacramenta vim & initia sua sumunt, & sine quibus nihil sanctum, nihil ritè Deo dicatum esse potest. Hæc enim

Dionys. Are  
opag. de Ec-  
cles. Hierar.  
Cap. 1.

Isaia. 59.

con-

consecratio, omnium consecrationum fons est & initium; hoc ministerium, omnium ministeriorum principium & fundamentum. Diuinus enim Pontificum ordo, ut ait Dionysius de Celesti Hierar. Cap. 5. primus est eorum ordinum, qui Dei particeps sunt; & idem ultimus. Primus quidem, quod ex illo promanant reliqui omnes, & sua accipiunt omnia: Ultimus autem, quod in eo desinit & perficitur omnis Ecclesiasticæ & Hierarchiæ in rei ornatus. Ut enim vniuersa Hierarchia in IESVM CHRISTVM desinit, cuius ille caput est, sic vna quæquæ in suum Pontificem. Pontificalis enim ordinis virtus per omnes transit, ac funditur rerum Sacrarum partes; & cum omnibus ordinibus sacris, propriæ Hierarchiæ mysteria operatur. Nam & si Sacerdotes & Presbyteri aliqua per se conficiunt, non tamen sine his quæ Episcopi propria opera & consecratione fiunt. Quarum nuptiarum, quæ vis; quæ natum sit, quod melius explicari possit, singulas earum partes eo ordine, & modo, explicandas duxi. Inter quos scilicet contrahantur: quem Sponsorem habeant; quos auspices & exoratores; quæ earum circumstantiæ: quis modus, & ratio. Magnum & sublime, ut videtis, argumentum, sed & iucundum ac pernecessarium simul; magno igitur studio vestro, magna deuotione, opus habet: sed & ardentibus precibus, ut hic Spiritus Dei, qui eorum arcanorum inuentor & perfectior fuit, idem ipse interpret & enarrator esse velit.

Qui igitur sunt illi, inter quos hæc tantæ contrahuntur nu-

B prie?

ptia? quod tam præclarum & magnificum sibi mutuo spō-  
 dentium par? Sponsus est Episcopus, Sponsa Ecclesia. Et  
 quidem de Ecclesia plurima alio loco, & tempore dicta  
 sunt. De Episcopo, eiusq; munere, cuius est summa &  
 prima in Ecclesia Dei dignitas & auctoritas, non com-  
 mittam ut ipse aliquid ex meo sensu apud vos proferam, sed  
 quid ipse CHRISTVS Dominus, quid Paulus, quid vein-  
 tissimi & Apostolici viri sentiant; quem virum, cuiusque  
 honoris & dignitatis eum esse putent, paucis perstringam.  
 Episcopum igitur, sumus ipse Pontifex CHRISTVS Do-  
 minus, eum esse dicit; qui sit ille bonus pastor ouium; qui  
 intret per ostium, quod ostium CHRISTVS est, & non a-  
 liunde. Cui ostiarius Spiritus sanctus aperiat: qui cogno-  
 scat oves suas, & cognoscant eum oves eius: nominatim vo-  
 cet eas, & vocem eius audiant: dux earum sit, vadat ante  
 eas, & oves eum sequantur, quia vocem eius ex sequenti  
 doctrina & verbi prædicatione cognoscunt: qui non modò  
 mercedem fluxam & caducam non respiciat, non modò la-  
 boribus non defatigetur, non modò opibus & facultatibus  
 suis non parcat, honoremque suum non querat, lupis non ce-  
 dat, aut oves non deferat; non modò infamiam, pauper-  
 tatem, exilium, carcerem non metuat: sed vitam etiam ip-  
 sam, atque animam ( si ita opus sit ) libenter & promptè  
 proouibus suis ponat atque profundat: qui sit sal illud ter-  
 re, condiendo, & ab omni labe conservando, omni Chri-  
 stiano populo comparatum: qui sit lux mundi: lucerna suā  
 per candelabrum posita, quæ omnia immunda purget, steri-  
 lia fecundet, errantia illustret, mæstia exhilaret, latentia  
 prodar,

Ioan. 10.

Math. 5.

Ioan. 8.

Matth. 5.



prodāt, ac in lucem proferat: qui sit illa ciuitas inexpugna-  
 bilis in monte pōsita, vndequaq; illustris, & quæ obscura- Matib. 6.  
 ri nullo modo possit: oculos vniuersi; quo sano & simplici,  
 totum corpus sit lucidum; quo deprauato & lippiente, totum  
 futurum sit tenebrosū: qui clauēs regni cælestis habeat; v- Matib. 16.  
 cui aperiat, apertum sit; cui claudat, perpetuū sit obseratum;  
 qui potestate ligandi & soluendi sit præditus; v- quodecunq;  
 ligauerit super terram, sit ligatum in cælis; & quodecunq;  
 soluerit in terris, sit solutum & in cælis: quorum detinue- Ioan. 20.  
 rit peccata, detenta sint; quorum dimiserit, dimissa sint: Luce 10.  
 quem qui audit, Christum audit; quem qui spernit, **CHRI**  
**STVM**, & qui misit eum, Deum patrem spernit, &  
 conculcat: quem qui accipit, **CHRISTVM** accipit, & cū  
 eo patrem eius: Qui fidelis sit seruus & prudens, quem con- Luce 10.  
 stituit Dominus super familiam suam; v- det illi cibum Ioan. 15.  
 tempore opportuno: qui sit operarius messis eius, v- fructum Ioan. 17.  
 adferat, & fructus eius maneat: qui de mundo non sit, si- Actuum 1.  
 cut & Christus de mundo non est: & claritatem habeat, Matib. 28.  
 quam dedit ei princeps Pontificum Christus Iesus: quem eun- Hebr. 5.  
 dem testem, Et eritis mihi testes, in Hierusalem, & in  
 omni Iudæa, & Samaria, vsque ad vltimum terræ.  
 amicum, iam non dicam vos seruo-, quia seruus ne-  
 scit quid faciat dominus eius, sed amicos. fratrem de-  
 nique suum, Nunciate fratribus meis, vt eant in Gali-  
 leam. appellare solet.

Hunc eundem Paulus hominem dicit esse, ex hominibus  
 assumptum, pro hominibus constitutum in his quæ sunt ad  
 Deum, v- offerat dona & sacrificia pro peccatis: qui con-

- dolere possit his, qui ignorant & errant; ut qui & ipse circumdatus est infirmitate, & propterea debet exorare atque offerre, quemadmodum pro populo, ita etiam pro semetipso pro peccatis. Qui non sumat sibi eum honorem, sed vocetur tanquam Aaron. Nami & Christus non semetipsum clarificauit ut Pontifex fieret, sed qui locutus est ad eum, Filius meus es tu, ego hodie genui te. Et alio loco: Tu es Sacerdos in aeternum, secundum ordinem Melchisedech. Qui sit minister & adiutor Dei, ac dispensator ministeriorum eius: sapientibus & insipientibus debitor: ut fructum de profectu ouium consequatur: cui datum est ministerium reconciliationis, & posuit Deus verbum reconciliationis in ore eius: qui legatione fungatur pro Christo, tanquam Deo exhortante per os eius: qui Christi bonus odor sit Deo, in his qui salui fiunt, & in ijs qui pereunt: quem vult esse virum sine crimine, sobrium, ornatum, prouidentem, hospitalem, doctorem, castum, sanctum, continentem, amplectentem eum qui secundum doctrinam est, fidelem sermonem; ut patens sit exhortari in doctrina sana, & eos qui contradicunt arguere: qui exemplo sit fidelibus, in verbo, in conuersatione, in charitate, in fide, in castitate. Cui subesse oporteat, tanquam ipsi Domino.
- De cuius officio & dignitate, inter ceteros Patres & viros illos Apostolicos, CLEMENS Petri successor cum disserteret, Omnis sacrae scientiae eum custodem esse dixit, mediatorem Dei & hominum, in eo quod ad eum facit ministerio; doctorem pietatis, secundum Deum parentem nostrum, qui per aquam & Spiritum regeneret



neret nos in ius adoptionis filiorum Dei: Principem  
& Ducem populi Dei, Regem atq; Dinastam <sup>omniū</sup>  
<sup>vniuersop.</sup> hoc est, post Deum, terrestrem Deum, cui à  
nobis primus debeat honor: de eo enim, & illi simi-  
libus, scriptum esse docet: Ego dixi, <sup>psal. 18.</sup> <sup>Dixi</sup> Di estis, & filij  
altissimi omnes vos: Et illud: Dijs non maledices. Qui  
primum in omnibus locum teneat: diuini honoris, quā-  
tum homini fas est, particeps; vniuersi cleri caput: to-  
tius autem populi, in his quæ sunt ad Deū, Princeps.

Pauli autem eorum arcandorum, quæ homini non est fas pro-  
loqui, vnicus & germanissimus interpres Dionysius Areo-  
pagita, quem post Apostolos Theologorum principem docti-  
appellare solent, Episcopum dicit esse, Virum diuinū, di-  
uino numine afflatum, qui omni sacra disciplina sit  
preditus, perficiens ea quæ perficiuntur, omnemq;  
Sacerdotalem doctrinam complexus: tradens item sa-  
era pro cuiusque eorum dignitate, qui scienter & inte-  
grè præditi sunt Sacerdotum perfectione atque virtu-  
te; & in quo omnis, quæ cum attingit Hierarchia, pu-  
rè absoluitur & cognoscitur.

Cum enim ex doctrina Apostolica tres functiones, opera-  
tiones, atq; perfectiones, vniuersi Ecclesiastici ordinis sta-  
tuit, Incipientium <sup>ad Baptismum</sup> <sup>ad Baptismum</sup> <sup>ad Baptismum</sup> quasi dicat, purgant  
eum, ac discernentem, & separantem diuini; quæ instituen-  
dis Cathecumenis, ac illis qui primò initiantur, comparata  
est. Deinde etiam, qui instituit sunt sacram <sup>ad Baptismum</sup> hoc  
est, illuminantem in virtutem; quæ illis, qui per Baptismum  
ad diuinum & æterno lumen adducuntur, inferuit. Vni-

uersi

nam

nam autem, & ceteras in se complexam, omnium nobilissimam ac perfectissimam diuinam <sup>τελειωσις</sup> est, eorum qui illuminati sunt, ac ad supremam perfectionem tendunt, per sacra mysteria & celestem doctrinam, perfectionem, atque consummationem. Et primam quidem illam functionem <sup>τῶν πρεσβυτέρων</sup> hoc est, ministrantium esse dicit: secundam <sup>τῶν ἐπισκόπων</sup> id est, Sacerdotum ac Presbyterorum: tertiam, & trasque in se complexam, diuinorum Hierarcharum atque Pontificum. hocq; illud est, quod in diuino Hierarcha, omnem, quæ eum attingit, Hierarchiam purè absolui & perfici docet. Sacra enim lex diuine Hierarchiæ, per prima & summa, ea quæ posteriora sunt, ad diuinissimū deduci lumen: quæ quidem lex diuina est in omnibus ipsius creaturis, tam quæ aspectu sentiuntur, quàm quæ aspectum superant, præclarissime instituta. Et inferiores quidem ordines, ad superiora transilire non possunt; diuiniore autem virtutes secundum suas proprias perfectiones, eas quæ inferiores sunt, in se complectuntur. Diuus verò Ignatius Ioannis Discipulus, eundem ita definit: Ut episcopum esse dicit, qui omni principatui & potestati supereminet, & quoad homini licet, imitator Christi veri Dei; princeps Sacerdotum, imaginem Dei referens: Dei quidem propter Principatum, Christi vero propter Sacerdotium. Nec enim Rege quisquam præstantior, aut quisquam similis ei, in rebus creatis; nec Episcopo quicquam maius in Ecclesia, qui Deo consecratus est, pro totius mundi salute; quem qui honorat, à Deo honorabitur; qui ignominia afficit, à Deo punietur: sine quo nihil

In Epistola ad  
Smirnenfes.

nihil faciendum censeret earum rerū, quæ ad Ecclesiā  
 spectant; neque baptisandum, neque offerendum, ne  
 que Sacrificium immolandum, neque Oblationem  
 celebrandam, neque coniugij ynitatem faciendā, vt  
 coniugium sit secundum Deum, non secundum car-  
 nem. Qui vbi compareret, ibi omnis sit Christiani po-  
 puli multitudo; quemadmodum vbi Christus, ibi om-  
 nis astat exercitus cœlestis, veluti Imperatori potesta-  
 tis diuinæ, omnisq; intellectualis naturæ gubernatori  
 dispensatoriq; ; quem reuereri oportet vt Christum.  
 Sic enim nobis præcipiunt diuini Apostoli. Cui qui  
 non obreperet, ille sine Deo est, pietatis expers, Chri-  
 stum spernens, eiusq; ordinationi resistent; sine quo  
 nulla est Ecclesia, nulla Sanctorum congregatio: abs-  
 que cuius auctoritate qui agit, foris est, inquinatā hēt  
 cōsciētā, infideli deterior: qui. n. Christi sunt, Episco-  
 pi sunt; qui verò ab illo declinant, & cum impiis cōnō  
 amplectūtur, hi cū illis excindētur: nec. n. Christi agri  
 cultura sunt, sed Diaboli semen, Sacerdotiū. n. est, om-  
 nium bonorum quæ in homine sunt, supremus apex;  
 qui aduersus illud facit, non hominem ignominia af-  
 facit, sed Deum & Christum Iesum primogenitum,  
 qui natura solus est primus & summus Sacerdos. Lai-  
 ci enim Diaconis, Diaconi Presbyteris, Presbyteri  
 Ep̃s Episcopus Christo, vt ipse Patri, subijcitur. *Quem*  
*eundem Episcopum, NAZIANZENS, atque* NAZIANZENS  
*sacer BASILIVS, duo Catholice religionis clarissima* in Apologeti  
*lumina, illi pulcherrimis & verissimis depingūt coloribus;* co primo. Et  
in oratione de  
dum

laudibus  
Athanasii. In  
funere itē pa-  
rentis: In ex-  
hortatione ad  
Episcopos.

Basilii in  
Episto. 61.

dum cum Angelum Dei, candelabrum in Ecclesia  
Christi Sacerdotem, inuenta Sacrificia offerentem,  
illustrem animarum custodem, magni Dei figmen-  
tum in manibus suis portantem, Deum hominibus  
conciliantem, immortalis vitæ Doctorem, magnam  
vovem & rubam, sermonum Regalium vivificantem  
virtutem, columnam & firmamentum in domo Dei,  
scopulam eminentem, qui omnes fluctus errorum &  
persecutionum excipiat, frangat, & à populo Dei ar-  
ceat: terrorem Hæreticorum, custodem Patriarum  
Legum, omnisq; novitatis hostem, securim petram  
scindentem, linguam fluminis irriganti similem, cor-  
dis profunditatem, fulgur celeritatis, sacri consilij api-  
cem, sermonum mysticorum interpretem, ignem  
malæ & vitiosæ materiæ purgantem, ventilabrum quo  
à gravibus dogmatibus levia disceruntur, gladium  
vitæ radices excindentem, percutientibus Adaman-  
tem, dissidentibus omnia inungentem Magnatem,  
veteris vitæ & doctrinæ exemplum appellare solent;  
quem item omnes necessitatum suarum nominibus  
compellent. Ut Virgines pronubium laudent, Con-  
iuges moderatorem, Monachi legislatorem, simpli-  
ces itineris ducem, speculationi dediti Theologum,  
hilares frenum, calamitosi consolatorem, canicies ba-  
culum, iuventus magistrum, pauperes suppeditato-  
rem, divites dispensatorem, viduæ patronum, pupil-  
li patrem, peregrini hospitem, fratres fratrum amato-  
rem, ægrotantes medicum, sani valetudinis custo-  
dem

dem; omnes denique eum, qui omnia omnibus factus est, ut omnibus lucrum faciat. Quem omnes suæ ad *1. corinth. 9.* illud tribunal, in quo & sermo, & actio, & cogitatio cuiusque nostrum, iuxta Dei iuramentum expendetur, cum ipse Deus ad iudicandam terram surrexerit, vocaturæ sunt; ut qui ita fidem seruauerint, virtutemq; coluerint, ut ab illo imbuti sunt. Quod si rectè exequuti sumus, inquit *Cyrillus ep. 6.* recipiemus mercedem, imo & laudem consequemur: si verò aliter & perversè, quæ nobis flammæ ad supplicia sufficient? Audiemus enim illud: Terram meam *Esa. 14.* perdidisti, & populum meum occidisti. Et laicorum quidem quisque pro sua vita ratione reddet; nos autem, quibus Sacerdotum munus incumbit, non pro nobis ipsis duntaxat, sed simul pro vniuersis in Christum credentibus, causam dicemus.

Tanti igitur, & tam sublimis sponsi, hæ sunt nuptiæ: nam plura in eam partem dicere, nec res ipsa, nec tempus patitur.

Sponsor autem quis? non alius cerè, quàm ipse summus Sacerdos & Pontifex Christus Dominus; quem diuus Ignatius primogenitum, et solum natura *τὸ ἑνὸς ἀρχηγία* vocat; *Capit. 5. de Eccl. Hierar.* què Dionysius *ὁ ἀρχιεπίσκοπος καὶ πρωτοπρεσβύτερος*, hoc autè est, diuinum & primum consecratorem appellare solet. Primus enim Pontifex, primus Hierarcha Ecclesiæ suæ, Christus Dominus: Hic ex diuersa illa discipulorum turba, quæ illum sequebatur, elegit duodecim; quos Apostolos nominauit; quos postea ad cænam primò, deinde in celos ascensus,

furus, Pontifices & Sacerdotes illis verbis, illa exereonia,  
 creauit atque consecrauit: Sicut misit me viuens Pater,  
 ita & ego mitto vos. Hoc cum dixisset, insufflauit, &  
 dixit eis: Accipite Spiritum sanctum; quorum remi-  
 seritis peccata, remittuntur eis; & quorum retinueri-  
 tis, retenta sunt. *Hic idem dixit Paulus:* Ascendens in  
 altum, dedit dona hominibus. Et ipse dedit quosdam  
 quidem Apostolos, quosdam autem Prophetas, alios  
 verò Euangelistas, alios autem Pastores & Doctores, ad  
 consumationem Sanctorum, in opus ministerij, in æ-  
 dificationem corporis Christi; donec occurramus  
 omnes in vnitae fidei, & agnitione filij Dei, in virum  
 Perfectum, in mensuram ætatis plenitudinis Christi.  
*Huic primo et summo Consecratori, Petrus cum omni mul-*  
*titudine fratrum, presentauit Iosephum, qui vocabatur*  
*Barfabas, qui cognominatus est Iustus, & Mathiam, cum*  
*illa præfatione: Tu Domine, qui corda nostri omniū,*  
*ostēde quem elegeris ex his duobus vnum, accipere*  
*locum ministerij huius, & Apostolatus, de quo præ-*  
*uaricatus est Iudas; ut abiret in locum suum. Non so-*  
*lūm autem hic Consecrator est, sed etiam ipse præsens huic*  
*negocio adest. Si enim vbi fuerint duo vel tres, inquit Am-*  
*brosius, ibi te futurum promisit: quāto magis vbi est*  
*Ecclesia, vbi mysteria sua sunt, inuocatus precibus Sa-*  
*cerdotum, ibi dignabitur suam impartire præsentia.*  
 Credamus igitur diuinitatis hūc præsentiam. Opera-  
 tionem credimus, præsentiam non credamus? vnde  
 sequet-

Matth. 18.  
 De ijs quim-  
 tierijs mīa  
 tur, cap. 3.



Sequeretur operatio, nisi præcederet ante præsentiat  
*Huius autem Hierarchæ, quem summo loco consedissee vide-  
 ris, manus nihil aliud sunt, quam visibile instrumentum,  
 externumq; signum & symbolum illius inuisibilis Sponso-  
 ris & consecratoris Iesu Christi. Ideoq; summum & prin-  
 cipem, tanquam summi & principis Minister & Vica-  
 rius, in tota Ecclesia obtineat locum: Ideo omnes, siue Pres-  
 byteri, siue Episcopi, submissee ante illum inclinant capita  
 sua. Ideo hic ipse Consecrator nihil omnino vel dicit, vel  
 agit, non denique se loco movet, nisi primum ope & auxi-  
 lio impetrato desuper à Patre luminum; à quo omne datū* *Iacobi 1.*  
*optimum, & omne donum perfectum promanat: ideo ni-*  
*hil ex sua persona loquitur, nihil sua facit autoritate. Nam* *ibid. cap. 5.*  
 & Moyse, inquit Divus Areopagita, sacrorum Legis  
 mysteriorum interpres ac præfectus, non prius Aaro-  
 nem ad Pontificalem dignitatem extrulit, quem alio-  
 qui Deo charum esse, ac dignum Sacerdotio, existi-  
 mavit; quam ad id agitatus Deo consecrationis prin-  
 cipe, consecrationis ritum & munus, ut Pontifex, exe-  
 cutus est.

Cogitandum est igitur diligenter & considerate, & il-  
 lis qui consecrari debent, apud quem Antistitem atq; Hie-  
 rarcham se sistant; apud illum scilicet, quem Iudicem vi-  
 uorum & mortuorum aliquando conspecturi sunt. Cogitan-  
 dum item & Regibus atque Principibus, omnibusq; illis,  
 quibus Pontificis deligendi ac designandi potestas & aucto-  
 ritas credita est; quem, & qualem virum, & quibus ex  
 causis & meritis, huic tanto Pontifici & Hierarchæ offi-

runt, ne falsi & mendaces testes inueniantur apud Deum & homines. Neque enim facile est Deum fallere, magnumq; Dei oculum, omnia cernentem, effugere. Illud item sciendum, nihil huic ipsi Pontifici difficile, nihil arduum, nihil ad efficiendum impossibile; earum præsertim rerum, quarum administer ac dispensator constitutus est, fore: qui tantum & tam potentem auctorem & consecratorem habeat; modo ipse ignauus & ociosus esse noli; modo ipse officio suo non desitis; modo in omnibus capitis ac institutis suis, ad suum patronum & aduocatum recurrat.

Sponsore earum Nuptiarum explicato, ad Nymphostolos, sine Paranyphos, quos Latini Pronubos, nuptiarumq; auspices, vocare solent: hoc autem est, exoratores, instructores, exornatoresq; nuptiarum, transeamus. Omnes Prouincia Episcopi hi esse debent. Sic enim prima Nicæna statuit Synodus: Episcopum, inquit, conuenit, maximè quidem ab omnibus, qui sunt in Prouincia, Episcopis ordinari. Si tamen hoc difficile fuerit, aut propter instantem necessitatem, aut propter itineris longitudinem; tribus tamen omnimodis in idipsum conuenientibus, & absentibus tamen pari modo decernentibus, & per scripta consentientibus, tum ordinatio celebretur. Nam & Mathias presentibus undecim, in locum de quo præuicatus est. Iudas, sufficitur; & Saulus, & Barnabas, eodem modo. Erant, inquit, in Ecclesia quæ est Antiochiæ, Prophetæ & Doctores; dixitq; Spiritus sanctus: Segregate mihi Saulum & Barnabam, in



opus ad quod assumpsit eos. Tunc ieiunantes & orantes, imponentesq; eis manus, dimiserunt illos. Neque vero frustra & temerè, tot, & tantis testibus, hoc ipsum nittitur Coniugium. Cum enim Episcopus dux sit cæcorum, medicus agrorum, doctrinæ custos, forma gregis: providendum erat diligenter, ne in ipso duce aliquid erroris, in medico pestis & aegritudinis, in doctore & magistro stultitiæ et ignorantie, in forma & exemplo gregis, aliquid turpitudinis & deformitatis insit; ne mercenarius pro pastore, ne lupus pro stabulario, ne fur & latro pro Doctore subrepat. Si enim oculus fuerit nequam, totum corpus tenebrosum erit. Si lumen tenebræ sunt, ipsæ tenebræ quales erunt. Nihil earum rerum huius seculi Heretici faciunt. Vanæ quis gloriæ ac popularis auræ æstro percitus: ira ac odij facibus accensus: libidinis & cupiditatis ignes non ferens: duro telo paupertatis pressus: ausus quid breuib; Gyris et carcere dignum: ad istos confugit, se Ducem, Doctorem, Hierarcham constituit: accipitur, auditur, laudatur, omniaq; flagitia illi facile condonantur, modo impia dogmata & ipse sequatur, & alios doceat. Ideo semper paruuli fluctuantes sunt, ideo circumferuntur omni vento doctrinæ, in nequitia hominum, in astutia ad circumventionem erroris: ideo nunquam sibi constant: ideo nusquam locum habent, ubi constanter desigant pedem. Matth. 6.

Et pronubi quidem nostrarum nuptiarum sumus hi, Circūstantiæ autem illæ. Tempus quidem, diei Dominici, hora tertia. Idq; vetustissimo more. Solam enim maiores nostri, inquit sacer Leo, resurrectionis Dominicæ diem eo Eph. 4.  
hono-

honore dignam iudicauere, vt Sacerdotes qui sumantur, hoc die potissimum consecrentur: nam quicquid est à Domino insignius constitutum, in huius diei dignitate est gestum. In hac mundus sumpsit primum exordium: In hac per resurrectionem Christi, & mors interitum, & vita accepit initium: In hac Apostoli à Domino prædicandi omnibus gentibus tubam sumunt, & inferendum vninverso mundo sacramentum regenerationis accipiunt: In hac congregatis in vnum discipulis, Dominus dixit: Accipite Spiritum sanctum; quorum remiseritis peccata, remittuntur eis: & quorum detinueritis, detenta sunt, In hac denique promissus à Domino Spiritus sanctus aduenit: Et repleti sunt omnes Spiritu sancto, & coeperunt loqui varijs linguis, prout Spiritus sanctus dabat eloqui illis: vt cœlesti quadam regula insinuaturn & traditum nouerimus, in illa die celebranda nobis esse mysteria Sacerdotalium benedictionum, in quo collata sunt omnia dona gratiarum.

Иоан. 10.

Апостол. 2.

Иоан. 13.

Locus autem, Templum Deo consecratum, Altare Iesu Christi: Nam & illi primi Diuini Hierarchæ atque Pontifices sancti Apostoli, erant ad communem mensam, ium quando Sacerdotes & Pontifices creati sunt. Cena enim facta, Veteri & typico Sacrificio & Sacerdotio perfecto atque consummato, Lege charitatis & humilitatis per submissam lotionem pedum firmata, nouo reficiuntur cibo, atque ex nouo bibunt calicem; nouum instituitur Sacrificium; noui recentis Sacrificij Ministri ac Sacerdotes: ita vt mensa illa

illa cœlestibus refecta dapibus, pars inaugurationis & consecrationis eorum fuerit. Eodem modo, dum Saulum, & Barnabam in opus ministerij elegit Spiritus sanctus, dicit Scriptura: Ministrantibus illis Domino, (quod Græcis mysticam significat oblationem) & ieiunantibus, id factum esse. Indeque profectum est, ut nulli Ordines sacri, ex illis qui maiores dicuntur, que sine hac mensa, sine hoc altari, ipsaque sacrorum mysteriorum communicatione & oblatione conferantur: quod iam tum ab Apostolorum temporibus profectum, & institutum esse, testis est Diuus Areopagita, qui dicit: Nullum licere Sacramentum perfici Hierarchici muneris, absque diuina Eucharistia. Hoc siquidem Sacramentum, omnium bonorum fons est & origo; per hoc tanquam per mundiissimum canale, omnes perferuntur gratiæ, ut sint in fontem atque salientis in nobis in vitam æternam. Huius Sacramenti ritè conficiendi causa, omnes sacri Ordines instituuntur, & per hoc firmanentur. Hoc mysterium est omnium diuinorum operum ac mysteriorum arabo, & vltima obsignatio.

Actuum 13.

Cap. 3. de Ec  
clesiastica  
Hierarchia.

Ioan. 4.

Cum igitur nobis demonstratum sit, inter quos hæc ipse nuptiæ contrahantur; quis nuptiarum Sponsor; qui auspices & pronubi; quis locus & tempus: nunc modum ipsum, in quo summa huius argumæti consistit, dispensationis eius examinus. Adducitur igitur imprimis nouus Sponsus ab exoratoribus atque pronubis, ad diuinum Hierotelestem. Neque enim primis illis cœlestibus, ac verò aureis temporibus inuadebantur Episcopatus, neque illi qui Episcopi creabantur

tur spontè currebant, aut Episcopatus fraude & violenter oc-  
 cupabant; aut Episcopatus fraude & violenter occupabant;  
 sed querebantur, sed ducebantur, sed vi & precario pertra-  
 hebantur. Sic Basilium deserta & solos locos sequentem,  
 prodiit Chrysostomus: Basilium Gregorium. Sic Asterius ori-  
 entis Præfectus, Theodosii mandato, dolo & insidijs ip-  
 sum Chrysostomum capit, ac planè vinctum ad præhenden-  
 dum Constantinopolitanum Patriarchatum mittit: Sic Gre-  
 gorius Magnus alieno vestitu in spelunca delituit, donec in-  
 dictio ignee columnæ proditus est: Sic Nilamon Monachus  
 mortem sibi potius à Deo impetrauit, quàm ut à Theophi-  
 lo ad Episcopatum pertraheretur: multi seipsos truncabant,  
 ne Episcopi fierent. Quàm mæsta illa vox, Isaia verbis  
 usurpata, Nazianzeni fuit, posteaquam Episcopus Sasi-  
 morum creatus est: Super me, inquit, rursus vinctio & Spi-  
 ritus, & rursus ego lugens & tristis incedo. Nam pro-  
 fectò, inquit, ars quædam artium & scientiarum mihi  
 esse videtur, hominem regere animal, omnium maxi-  
 mè varium & multiplex. Ut quemadmodum in su-  
 blimi & pendulo fune gradientibus, huc vel illuc de-  
 flectere minimè tutum est, nec quælibet parua inclina-  
 tio paruum periculum adfert; verum eorum salus ac  
 sanitas in æquilibrio posita est: ad eundem quoque  
 modum utramvis in partem quispiam, siue ob vitium,  
 siue ob imperitiam propendat, haud leue periculum  
 tum ipsi, tum subditis imminet, ne in peccatum pro-  
 labatur. Nunc turba ruit. Neque cuiusquam rei tanta se-  
 ges & veritas est, quàm vacante Episcopatu, candidatorum:

In Apologe-  
 tico ad pa-  
 trem.

Esa. 5.

In Apologe-  
 tico primo.

tanquam non virtutis exemplum, sed vite adiumentum & subsidium, hunc ordinem esse iudicent; ac non munus reddēde rationi obnoxium, sed imperium liberum ac referendarum rationum metu solutum. Et ideo verendum est, ne illud exaudiant: *Ipsi regnauerunt, & non ex me: Princeps Osee. 8.* existerūt, & ego ignorauī. Quod metuo, ne ipsi fructus, atque hec omnium rerum perturbatio, abunde doceat.

Ducitur igitur ad suum Sponsorem nouus Sponsus: ducitur autem in vestitu & apparatu candido, propter designationem illius candidę & nuptialis vestis; sine qua qui ingres- Matth. 22. sus ad nuptias fuerat, eiectus est in tenebras exteriores. In Apologe tico primo. Nemo n. magno & Deo, & Sacrificio, & Pōtificatui; dic- cit Gregorius, dignus est, nisi qui prius seipsū, deo hostiā viuētē & sātū exhibuerit rationabilēq; cultū gratūq; acceptū ostēderit, Deoq; Sacrificiū laudis, spiritūq; affli- ctū atq; contritū obtulerit. Vestis ergo candida, innocentie velamina indicat. Ducitur in veste & ornatu Presbyterali atq; Sacerdotali. Neq; enim in primēua illa Ecclesia li- cuit quenquam Episcopum creari, qui non per omnes Eccle- siasticos gradus transierit, qui nō per multos annos functiones omnium Ordinum exercuerit. Vnde illa laus Coruelij apud beatissimum martyrem & Pontificem Cyprianum: Non iste, inquit, ad Episcopatum subito peruenit, sed per omnia Ecclesiastica officia promorus, & in diuinis ad- ministrationibus Dominum sæpē promeritus; ad Sa- cerdotij sublime fastigium, cunctis religionis gradibus ascendit; nec, ut quidam, vim fecit ut Episcopus fie- ret, sed ipse vim passus est ut Episcopatum coactus ex

D

cipe.

*In laudibus* ciperet. Eodem modo Gregorius laudat Athanasium, la-  
*Athanasii.* dat Basilium. Athanasium quidem: Cunctis, inquit, Eccle-  
 siasticorum graduum muneribus deinceps perfunctus

*In laudibus* Alexandrino populo, quod idem est ac si dixisset, vni-  
*Basilij.* uerso terrarum orbi, præficitur. Basilium verò: Ordine,  
 inquit, & Spiritualis progressionis lege, hoc cum ho-  
 nore affecerunt. Et adfert hac de re suum iudicium: Nau-  
 ticam legem præclaram censeo, quæ gubernatori pri-  
 mùm remos committit, deinde ad proram collocat,  
 sicq; prioribus muneribus commissis, tandem eū post  
 diuturnam maris verberationem ac ventorum guber-  
 nationem, ad gubernacula constituit. Eadem rei mili-  
 taris est ratio. Miles primò, deinde Centurio, tùm Im-  
 perator, hic optimus ordo est: ijsq; qui subsunt impri-  
 mis conducibilis.

*Hebr. 4.* Sed & ipse pastor pastorum Iesus Christus, per omnia pri-  
 mùm tentatus est pro similitudine absque peccato, priusquam  
 Pontifex factus est, ut possit compati infirmitatibus multo-  
 rum. Negocia enim oportet gerere Episcopum, inquit

*Apud Nice* Synesius, quæ simul omnes tangunt. Quæ enim com-  
*pho. lib. 14.* munia omnium sunt, vnum ipsum curare, opus est, nisi  
*ca. 55.* criminibus omnibus obnoxius esse velit. Cùm inferio-

*Epistola 3.* rum ordinum culpæ, scribit S. Leo, ad nullos magis refe-  
 rendæ sint, quàm ad desides negligentesq; rectores,  
 qui multum sæpè nutriunt pestilentiam, dum necessa-  
 riam vel nesciunt, vel dissimulent adhibere medici-

*In Apologe* nam. Quis autem ille est, inquit Gregorius, qui verita-  
*tico primo.* tis Antistitem & propugnatorem vnus dieculæ spa-

cio,



cio, veluti simulachrum ex argilla, fingatur; illū in quā, qui cū Angelorū classe & ordine futurus est; qui cū archāgelis Deū celebrabit, qui ad supernū altare sacrificia transmittet, simulq; cū Christo Sacerdotio fungetur; qui figurā instaurabit, imaginēq; creatori sistet, & superno mundo opificē aget. Et quod maius est, dicā: Deus erit, & alios Deos efficiet. *Nunc autem illud euemit, quod idem Nazianzenus dicit: Discipuli simul magistriq; pietatis designantur: alios ante purgant, quā ipsi purgati fuerint: heri sacrilegi, hodie sacerdotes: heri extra sancta, hodie sanctorum arbitri & Antistites: veteres vitio, pietate rudes & recentes: (quod gratiæ ac fauoris humani, non Spiritus opus est) qui cū cœtera omnia violenter peruaserint, ad extremū ipsam quoque pietatem tyrannide præmunt: quorum non mores dignitari, sed dignitas moribus fidem astruit, ordine admodum præpostero: qui denique plura pro suis, quā pro populi ignorantiss, sacrificia debeant.*

*In laudibus  
Athanasii.*

*Ideo nihil recto ordine, nihil canonicè, nihil more veteri in Ecclesijs geritur. Cū primū curandum erit, vt Ecclesia digni simus; deinde sacrario; & ita demum perfectum. Sanxit hoc vetustissimum Sardicense Concilium, in quo Osius Episcopus sic loquitur. Si fortè aut diues, aut scholasticus de foro, aut ex administratione Episcopus fuerit postulatus, vt non prius ordinetur, nisi ante & Lectoris munere, & officio Diaconi, aut Presbyteri, fuerit perfunctus; & ita per singulos gradus, si dignus fuerit, ascendat ad culmen Episcopatus. Potest enim per has*

*Capite 13.*

promotiones, quæ habebunt utique prolixum tempus, probari qua fide sit, qua modestia, qua gravitate, & verecundia; & si dignus fuerit probatus, diuino Sacerdotio illustretur: quia conueniens non est, nec ratio vel disciplina patitur, ut temerè & leuitur ordinetur, aut Episcopus, aut Presbyter, aut Diaconus, qui neophytus est: maximè cum & magister gentium beatus Apostolus, ne hoc fieret, denunciasset & prohibuisse videatur; sed hi, quorum per longum tempus examinata sit vita, & merita fuerint comprobata. *Sanxerunt hoc idem Sanctissimi Pontifices, Cælestinus, Leo, Gelasius, Nicolaus primus, Quid proderit per singula Clericos stipendia militasse, inquit Cælestinus, & omnem egisse in domesticis castris ætatem, si qui sunt ex laicis, his præfuturi quærentur? Pulcherrimè eam totam rem sanctissimus explicat L'EO: Cum omnis gradus militiæ Christianæ de incrementis profectuum debeat æstimari, an possint cuiquam maiora committi? Merito beatorum Patrum venerabiles sanctiones, cum de Sacerdotum electione loquerentur, eos demùm idoneos sacris administrationibus censuere; quorum omnis ætas, à puerilibus exordiis vsque ad prouectiores annos, per disciplinæ Ecclesiasticæ stipendia cucurtrisset, ut unicuique testimonium prior vita præberet: nec posset de eius prouectione dubitari, cui pro laboribus multis, pro moribus castis, pro actibus strenuis, celsioris loci præmium deberetur: Si enim ad honores mundi sine suffragio temporis, sine merito laboris indignum est*

*Cælestinus  
in decreto sua  
Sanctionis.*

*Leo in decretis  
suis.  
cap. 33.*

*Gelasius in  
decretalibus  
suis, cap. 3.*



est peruenire, & notari ambitus solent, quos probita-  
tis documenta non adiuuant; quam diligens & quam  
prudens habenda est dispensatio diuinorum munerū  
& cœlestium dignitatum, ne aliquo Apostolica & Ca-  
nonica Decreta violentur: & his Ecclesia Dominū re-  
genda credatur, qui legitimarum institutionum he-  
scis, & totius humilitatis ignari, non ab infirmis sume-  
re incrementum, sed à summis volunt habere princi-  
pium: cum valde iniquum sit & absurdum, ut impe-  
riti magistris, noui antiquis, & rudes præferentur e-  
meritis? Omnis Ecclesiastica disciplina resoluitur, om-  
nis ordo turbatur, dum in Ecclesia, qui nullum subie-  
runt ministerium, peruerso eligentium iudicio, inde-  
bitum obtinent principatum. *Damnat plurimum eo no-  
mine Nicolaus primus Photium, qui laicus Constantinopo-*  
*litanum affectabat Primatum:* Pridem, inquit auditor  
esse debuit, & deinde institutor: sed hic docere prius  
elegit, & deinde cœpit doceri; prius sanctificare cura-  
uit, ac deinde sanctificari; prius illuminare voluit, & po-  
stea illuminari. *eamq̃ ob causam & ipsum Photium, &*  
*eius consecratorem Gregorium Syracusanum, loco & digni-*  
*tate mouit.* Nam si quid secus aliquando fiebat, tum id vel  
ob summam necessitatem & excellentiam virtutis, ut in  
Nectario; vel imminētis periculi causa, ut in Tarasio; vel  
per miraculum cœlestemq̃ designationem, ut in Ambrosio fa-  
ctum fuisse legimus. Proinde monei diligenter idem Nico-  
laus Constantinopolitanam Ecclesiam. Ut tales alere om-  
ni religioni studeat eruditos viros, qui ad eum cardi-

Nicolaus  
Epistolapri-  
ma ad Mi-  
chaëlem im-  
peratorem.

Epistola. 5.

nem

nem honoris dignè subrogari possint. Quòd non solum, inquit, in tanto Patriarchatu, obseruari omnino debet, verum etiam in singulis quibusque ciuitatibus ex consuetudine Canonica, magna cum cautela, seruatur & custoditur.

*Sic pertractus, sic vestitus, sistitur principi Hierarchæ, magni & sacrosancti Tabernaculi administro, nouus Sponsus postulat. Postulari enim debet Episcopus, non postulare.* De Dei enim & Christi eius iudicio, dicit Cyprianus, de Clericorum omnium testimonio; de plebis, quæ adest, suffragio; & de Sacerdotum antiquorum & bonorum virorum collegio: loco & gradu Cathedræ Sacerdotalis, vacante; Dei voluntate, atque omnium consensione, creari & consecrari debet Episcopus. Postulat, dicunt sacri pronubi, Reuerendissime Antistes, sacra mater Ecclesia, vt hunc præsentem Presbyterum ad onus Episcopatus subleuetis. Illud aperte declarantes, neque Reges, neque Principes, neque plebem, aut ciuitatis magistratum, sed Hierarchiam ordinationem atque benedictionem Episcopum constituere; illorum testimonium tantum, huius auctoritatem esse.

*Sic constituto & postulato nouo Sponso, cum rectè norit sacer Antistes, plenas nuptias tribus quasi contineri partibus, Fide, Sacramento, & Prole: Ne quid festinè & properè faciat, neue cito cuiquam, iuxta Apostoli præceptum, manus imponat, secundum Decretum Carthaginen. Concilij: primum ad examen fidei, quod tanquam fundamentum & basis totius adificij est, sese confert, Fides autem cum pri-*

*mum*

mum in sensu elucescere debeat, deinde in moribus, ad utrūque doctrinæ genus explorandum se confert; tam quod in sermone, quam quod in opere vitæq; exemplo consistit. Et primum de primo genere fit inquisitio. Num doctrinam veteris & noui Testamenti, cuius magister & interpres esse debet, rectè norit? Absurdum enim est, inquit Gregorius, & salutis Doctorem, & Antistitem, salutis principia ignorare. Et num prudentiam suam, quantum illius capax est natura, diuinæ scripturæ sensibus accommodare velit? Quod dum sancte professus fuerit, proponitur illi vniuersæ fidei summa; eorum præsertim capitum, quibus vniuersa religio Christiana continetur: Summæ ac diuinis. Trinitatis confessio; incarnationis, salutisq; nostræ æconomia; spes vitæ & resurrectionis futura; Sanctorum communio; ac vniuersæ sanctæ Catholice & Apostolicæ Ecclesiæ auctoritatis: Vbi illa maxime inculcari solent, quæ aliquo modo praua ei in sidosæ Hereticorum curiositate & malicia, eo tempore indubium sunt vocata, aut quæ aliqua labe insidiator salutis nostræ aspersit Diabolus; ne quid ex communi contagione contraxerit ille, qui cæterorum norma & regula esse debet. A sensu ad mores transfertur oratio, proponuntur summa capita muneris Episcopalis; & num ea seruare, in eisq; sese exercere ac elaborare velit, ab eo summo exequitur studio. *Ad Henricum Senonensem Archiepiscopum Epistola 43. Luca. 7.* Maxime num tam exhibere paratus sit, ut dicunt Bernardus, quam exigere obedientiam; ut tantam occupaturus sedem, illud recognoscat primum Centurionis: Et ego, inquit, sum homo sub potestate, habens sub me milites. Ut prius agnoscat se hominem quam potentem, quod

Matth. 22.

Roma: 13.

Ioh. 13.

Ecc. 32.

quod propriæ subiectionis experimento discat sua moderari imperia. Nam & conditor Cæsaris, Cæsari non cunctatus est reddere censum. Quæ enim à Deo sunt, ordinata sunt. Viderint ergo huius rei disuasores, quale sit Dei ordinationi resistere. Plurimum se Episcopo deferre putant, cum eum Christo præferre conantur: ipso rectamante, Non est seruus maior domino suo. Quod non dedignatus est magister & dominus, talis præsertim, indignum sibi iudicabit seruus bonus, & deuotus discipulus? Stupenda infania, Animarum non cunctos turbas mihi custodiendas colligere, & vnum super me grauior proprium habere custodem? Illi etsi honorant, onerant: hi non tam præmunt, quam protegunt. Quis dabit mihi centum in mei custodiam designari pastores? Quando plures sentio mei custodiam gerere, tanto securior exeo in pascua. Principem te constituerunt, esto inter illos tanquam vnus ex illis. Vt te putemus tanquam vnum ex illis, videamus te tam exhibere paratum, quam exigere obedientiam; videamus tam libenter præpositis obtemperare subiectum, quam imperare subiectis. Quod superiori non præstitisti, ab inferiori non petas.

Eum. 11.

n. 3.

o. 1. q. 1. d. 1.

s. 1. q. 1. m. 1.

s. 1. q. 1. m. 1.

s. 1. q. 1. m. 1.

Interrogatur ergo: Num ea, quæ in diuina Scriptura legit & intelligit, plebem cui præferendus est, & verbis & exemplis docere velit? Num Traditiones orthodoxorum Patrum, ac Decreta Sanctæ & Apostolicæ Ecclesiæ, & ipse seruare, & alios studiosè docere, propositum habeat? Num ipse superiori potestati beati

Cyp

Petri,

Petri, eiusque successorum, penes quem summam regiminis sui primus & summus Pontifex reliquit Iesus Christus, per fidem, subiectionem, & obedientiam, secundum Canonum auctoritatem, more & lege veteri sese subiiciat? Num mores ab omni malo temperare, & quantum poterit, Domino adiuuante, ad omne bonum commutare: castitatem & sobrietatem, cū Dei auxilio, custodire & docere: diuinis negociis mācipari, & à terrenis negocijs & lucris alienus esse; ne scilicet oculos, qui moderandis gressibus præeunt, cura pulueris obscuret? Caput namque subiectorum sunt cuncti, qui præsunt: & vt rectè valeant pedes itinera carpere, hæc proculdubio caput debet ex alto prouidere: Num humilitatem & patientiā in seipso custodire, & alios docere velit? pauperibus item & peregrinis, omnibusq; egentibus, propter nomen Domini, affabilis & milericors esse?

*Quæ omnia ubi ille sanctè, & bona fide seruaturum se, quantum humana fert conditio, promiserit; summa eius oneris, quod subeundum est, ob oculos illi, tanquam in compendio, ponitur: Episcopum oportere iudicare, interpretari, consecrare, ordinare, offerre, & baptizare. Quod onus cū non sit humanarum virium, sed & Angelicis ipsis humeris sit sublimius, cū ab eo solo nobiscum portari possit, à quo* 2. Cor. 3.  
*est omnis sufficientia nostra: conferunt se omnes, Consecrator, simul Sponsus, Pronubi, ac tota Ecclesia, ad communem orationem. Et vt se recognoscant esse ciues sanctorum, domesticos Dei, populum supernæ Hierusalem, adiungunt* Ephes. 2.

orationes & supplicationes Sanctorum; ut quod eorum fragilitas non potest, istorum victorialis autoritas impetret; ut qui iam sunt securi de suis, sint solliciti de nostris. Super nouū igitur Sponsum, prouum ante conspectum Dei iacentem; Deum Patrem, ac Christum Dominum exorant: ut illi viro, utilitati Ecclesiæ prouidens, benignitas omnipotentis diuinæ gratiæ suæ tribuat largitatem: ut illum benedicere, sanctificare, & consecrare ipse dignetur.

Quo loco diligenter mihi sunt commonendi illi, qui aliquando hoc tantum munus subire debebunt; ut non tūc primum ubi ad diuinum sistuntur Hierarcham, de his ipsis muneris & functionis suæ partibus cogitent; hisq; rebus, quæ illis credenda; seruanda, docenda, vindicanda proponuntur; sed longè ante vires suas explorent. Si enim tunc primum,

De considera  
tione libr. 1.  
Luca 14.

inquit Bernardus, hæsitare incipias, id quidem serò. Autem, iuxta consiliū Saluatoris, sedisse debueras, ante æstimasse opus, meriti vires, ponderasse sapientiam, comparasse sumptus computasse virtutum. Quid enim indignius est? quid maiore pœna dignum? quàm in conspectu Dei & Angelorum eius, in conspectu Ecclesiæ vniuersæ, id se scire profiteri, quod ignores; id velle, quod nolis; id posse, quod nullo modo possis? Non tum igitur hæc talia cogitanda sunt, dum iam diuino astatum Altari; sed tūc, dum ambitiosè discurremus, prensamus, cælum & terram, modò optatis potiamur, miscemus. Neq; enim erit ad eò despectus & perditus animus; qui si maiestatem & amplitudinem earum rerum secum diligentius considerauerit & expendit, qui non concidat, qui se dare præcipitem velit, qui sen-

ten-



tentiam futuri iudicis, quam veluti manu sua subscribit, nō exhorrescat. Ne illud exaudiat: Nescis quid petis. Tu quidem coram me, atque Ecclesia hac, ore tuo proferis, te vel- Matth. 20  
le & posse calicem meum bibere, vitam & mores meos imitari; curam & sollicitudinem meam, quam in pascendis ouibus meis suscepi, studio & diligentia tua exprimere; crucem meam ferre: cor autem tuum totum in vane glorie studio occupatum, in lucro & questu detentum, omni libidine & cupiditate ardens, ab his tuis promissis est alienissimum. Ut autem hi tam sublimes honores eius Vanitatis homines conferantur, non est voluntas Patris mei; haec ipse sedes et dignitatis, alijs moribus sunt preparata à Patre meo: Et hos quidem Consecratores tuos, tanquam homines, diuini seu sus & summae rationis ignaros fallere poteris; Deum autē, apud quem conscientia nuda est, quem ignota non transeunt, occulta non fallunt, qui cognitor est secretorum & scrutator cordium, fallere nunquam poteris. Est profecto hic metus omnium maximus, hoc periculum omnium extremum; huic quidem certè, qui & opera praeclare nauata magnitudinem, & rei infelicitate gestae, miserum et perniciosum exitum intelligit.

Iuuat hoc loco apponere partem eius examinis, quam secum inibat, priusquam Pontificatum prehenderet, magnus ille Theologus Nazianzenus; ut sit quasi norma & exemplum, quod vnusquisque nostrum, priusquam ad tantum munus accedat, secum expendere debeat. Quo tandem modo externum illud Sacrificium, illud magnorum mysteriorum exemplar, praesidenti animo ipsi offeram,

*In Apologo  
tico primo.*

*Missa Sacri* aut quo modo Sacerdotis habitum nomenq; subibo,  
*fictu quomo-* priusquam manus pijs actionibus consecraro; prius-  
*do offerendu.* quam creaturis rectè & sanè, atque ad creatoris solùm  
 admirationem, non autem ad detrimentum, oculum  
 aspicere, assuefecero: priusquam disciplinæ Domini au-  
 res satis aperuero, ac mihi adiicietur auricula nequa-  
 quam durè audiens, aureaq; inauris precioso Sordio  
 adstricta; hoc est, sapientis sermo auri bene audienti:  
 priusquam ore, labiis, & lingua, ita meipsum compa-  
 raro, ut & ore aperto spiritum trahā, aut in mysteriorum  
 dogmatūq; pñunciatione, dilatato impletus spiritu fue-  
 ro; & labia, ut Sapientiæ verbis utar, diuino sensu con-  
 stricta habuero, addam etiam tempestiuè soluta: & de-  
 nique lingua exultatione perfusa erit, diuinæque me-  
 lodix plectrum effecta, ad Dei gloriam celebrandam  
 sese excitans, simulq; cum eo diluculo exurgens, ac  
 præ labore faucibus ipsis adhærens: priusquam pedes  
 meos ceruorum ritu instructos & præparatos, ad pe-  
 tram firmāro, piosq; & Deo gratos incessus meos ita  
 directos habuero, ut nec tantillum temporis, nec vlllo  
 modo effunderentur: prius denique quàm omnia cor-  
 poris membra iustitiæ arma facta erint, omnemq; mor-  
 talitatem abiecerint, à vita absorptam, spirituiq; loco  
 cedentem? Ecquis porro antequam puris & ignitis  
 Dei eloquiis cor perustum habuerit, (id quod fit, cum  
 scripturæ ipsi aperiuntur) eaq; super latitudinem cor-  
 dis trifariam descripserit: ut Christi mentem habeat, at-  
 que in thesauros promiscuæ multitudini abditos, inui-  
 sibi-

*Psal. 118.**Psal. 8.**Ecc. 11.**Psal. 56.**Psal. 116.**Psal. 17.**Psal. 39.**Psal. 72.**Roma. 6.**Psal. 111.**Prouer. 22.*



sibles, ac tenebrosos penetrârit; vt opes in ipsis con-  
 ditas intueatur, aliosq; locupletes & copiosos efficere  
 possit, spiritualia spiritualibus conferens? *Ecquis ante*  
*quam Domini beneplacitum, ita vt par est, perspexe-*  
*rit, templumq; eius visitauerit; vel potius Dei viui tē-*  
*plum viuum factus fuerit, Christi; in spiritu domici-*  
*lium? Ecquis antequam figurarum & veritatis cogni-*  
*tionem & discrimen agnouerit, ab illisq; secedens huic*  
*se adiunxerit; vt literæ vetustatem fugiens, spiritus no-*  
*uitati seruiat; atque á lege, quæ in literæ abrogatione*  
*& abolitione spiritualiter expletur, ad gratiam pure*  
*planeque transfiliat? Ecquis antequam & vitæ probita-*  
*te, & speculatione, per omnes Christi appellationes*  
*ac vires & facultates, tam sublimiores illas ac primas,*  
*quàm quas postremò humilioresque subiit, perrexerit,*  
*nimirum Dei, filii, imaginis, verbi, sapientiæ, veri-*  
*tatis, lucis, vitæ, potentia, vaporis, defluxionis, splē-*  
*doris, factoris; regis, capitis, legis, viæ, portæ; fun-*  
*damenti, petra, margarita, pacis, iusticiæ, sanctifi-*  
*cationis, redemptionis, hominis, serui, pastoris, agni,*  
*Pontificis, victimæ, primogeniti ante creaturam, pri-*  
*mogeniti ex mortuis; resurrectionis? Ecquis, inquā,*  
*has res & nomina incassum audiens, nec dum com-*  
*mercio villo cum verbo habito, nec ipse, quate-*  
*nus vnumquodque horum vero nomine appelleretur,*  
*particeps factus? Ecquis denique antequam quieto a-*  
*nimo, atque ab huius vitæ negociis tranquillo fuerit,*  
*Deique sapientiam, illam inquam, in mysterio recon-*  
 di-

1. Cor. 1.

Psal. 26.

1. Cor. 3.

Psal. 44.

1. Cor. 2.

1. Cor. 3.

Hebr. 5.

*Non sapiens  
lato animo  
creatur Bpi-  
scopus.*

*Trāquillam  
vitam parce  
ac duriter a-  
gere præstat  
quàm Episco-  
pum esse.*

ditam, accipere norit, sed ætate adhuc tenera sit la-  
tèdque alatur, nec inter Israelitas adhuc numeretur,  
nec in Dei castris acieque recenseatur, nec Christi cru-  
cem virilibus humeris ferre queat, imò nec præstan-  
tius fortasse aliquod corporis membrum sit, læto ta-  
men alacrique animo se Christi Ecclesiæ in caput con-  
stitui patietur? Nemo profecto, qui quidem consilio  
meo ac iudicio standum putabit. *Ex quo examine, illud  
tandem colligit & concludit:* Ac proinde, inquit, sic me  
cum ipse loquebar: Alius mercaturæ causa nauiget, &  
longa maria transmittat, & cum ventis fluctibusq; per-  
petuo colluctetur; magna vel operæ precia factururus, si  
ita casus tulerit, vel pericula aditurus, quisquis nimi-  
rum vel nauigandi peritia, vel negociandi arte excel-  
lit. Mihi verò melius atque optabilius est in terra quie-  
tem habenti, atque exiguum aruum & dulce sulcanti,  
& lucra & mare procul salutanti, exiguo ac rigido pa-  
ne vitam, ut potero, sustentare, eamq; tutam tran-  
quillamque ducere, quàm ob ingentes quæstus graue  
diuturnumq; periculum subire. Quemadmodum en-  
nim magno & excelso viro detrimenti loco habendū  
est, res magnas non aggredi; nec virtutem ad multos  
propagare, sed in parvis leuibusque rebus defixū hæ-  
rere, ac velut magno lumine parvam domum illustra-  
re, aut virilibus armis puerile corpus obtegere: ita cō-  
tra paruo homini securitas in eo consistit, ut non ma-  
gnopere sese oneret, nec grauiori, quàm eius vires fer-  
re queant, sarcinæ caput supponens, simul & ridendū  
sele

sefe propinet, & in periculum conijciat: quemadmodum scilicet nec alij cuiquam turrim ædificare conuenit, quàm ei, cui ad eam prorsus absoluendam suppetunt facultates, vt scripturà testatur. Meliusq; est alijs, qui artis peritia præstent, habenas nostri concedere, quàm indoctos & imperitos aliorum aurigas esse: præstareque candidam aurem submittere, quàm stolidā linguam mouere. *Hæc Nazianzenus.*

*Lucæ 14.*

*Verum dicet quis: sponte tantus honor ad me defertur; omnis cognatorum & agnatorum manus cogit vimq; adfert, dementemq; fore prædicat, si tantam repudiauerō dignitatem: at is vocat, penes quem est legitima vocandi potestas et auctoritas. Huic verò homini hac venustissima respondet similitudine* CHRYSTOSTOMVS:

*Libro 4. De Sacerdotio.*

Etenim quæro ex te, si quem suspicamur fabrum esse, ad opus vocemus, sequaturq; ipse: deinde manus admouens materiæ ad ædificium paratæ, ligna, itemque & lapides auertat, opus autem sic coagmet, sic domum ædificet, vt statim collapsura ea sit, num ille sese abundè hac defensione tutaturus est, si dixerit, ab alijs se coactum, non etiam vltro ad ædificandum accessisse? Certè nequaquam, idque iure optimo: oportebat enim vel alijs ad id vocantibus pedem referre ac tergiuersari: Itane verò qui ligna ac lapides auertit faber, huic nullus prorsus suffugii locus, quò minus poenas pendat: qui verò animas negligenter ædificans perdiderit, hiccinè alienam vim abundans sibi suffugium præsidiumque putabit? & quo id pacto

non

non valdè ineptum atque absurdum? nondum enim adiicio, nolentem à nemine compelli posse: sed & ipsum volo vim fuisse immodicam perpersum, artibusq; variis circumseptum, ut in retia caderet. Hoccinè igitur illum a supplicio eximet? ne obsecro, ne eò usque nobis imponamus, neque simulemus ignorare nos eà, quæ vel admodum pueris nota esse possunt: reuera enim quum rationis reddendæ tempus aderit, ignorantia simulatio hæc nihil nobis allatura est præfidii. Præcipatū huiusmodi nihil ipse ambiuisti, imbecillitatis tuæ conscius? Probe id ac rectè. Oportebat ergo cum eodem hoc consilio, vocantibus etiam alijs, tergiversari. Annè quum te nullus vocaret, imbecillus tu, ac minime idoneus eras: vbi primùm verò comperti sunt qui honorem ad te deferrent, de repente in valentem atque idoneum euasisti? Certè huiusmodi res deridicula prorsus ac nugatoria est, eademque extremo etiā supplicio digna. *Hæc autem proferentes, non eos, ut cum Gregorio Romano Pontifice loquar, qui rectè possint deterremus, sed ab appetitu tanti oneris cordis infirmitatem munimus, ne imperfecti quoque culmen arripere regiminis audeant: & qui in planis stantes titubant, in præcipitio pedem ponant.*

*Absoluto fidei examine, augustiore sibiq; peculiari magis nouus Sponsus induitur habitu Calceatur pedes ad anuncian- dum Euangelium pacis: Ut eat, non stet; laboret, non ociosus delitescat. Induitur interioribus quibusdam tunicis, inter-*  
rioris

rioris & occultæ deuotionis , innocentiae & integritatis perfectionem denotantibus ; cuius solus Deus purarum animarum vnicus sponſus inſpector eſt ; & cuius ſuauitatem illi ſoli norunt , qui experiuntur : intus enim eſt qui iudicat , intus quod iudicatur , vt internorum cura in externorum minima occupatione non minuatur. Induitur item Dalmatica, lates manicas habente . Oportet enim Episcopum, ſicut Dei diſpenſatorem, hoſpitalem eſſe, benignum, liberalem, non turpis lucri cupidum. *Titum. 1.* Maioris enim peculij diſpenſatorem plura expendere oportet : qui diuitias opesq; veras eſſe putet, ſi non ſtudio omni aliena bona corradat; ſed vt indigentium penuriam ſua liberalitate adiuuat, qui ſua com-  
*In ſecunda parte paſtoralis, ca. 7.* moda propinquorum bona deputet. Egētis enim mentem, doctrinae ſermo non ita facile penetrat, inquit Gregorius ſi hunc apud eius animum manus miſericordiae non commendat. Tunc autem verbi ſemen facile germinat, quando hæc in audientis pectore pietas prædicantis rigat. De quo illud dicatur, Diſperſit deditq; : Non fiſco, non Hæretico, potenti & non factioſo ciui, non carni  
*Pſal. 31* & ſanguini, non tenaci, & quæ nunquam compleri poteſt, arce; tantò minus non libidini & cupiditati, ſed diſperſit dedit pauperibus : hoc eſt, ſeminaria futurae pietatis & eruditionis extruxit; adoleſcentes præſtantes ingenio quàm pluri-  
 mos domi, forisq;, opibus ſuis educauit : Paræcijs deſertis ac depopulatis Paſtores & Sacerdotes ſuis copijs aluit : redeun-  
 tes ab errore, benignè & liberaliter ſuſcepit; captiuos redemit; Virgines orbas elocauit; peregrinos hoſpicio ſuſcepit; vi-  
 duis, orphanis, morbo ac etate fractis, opem tulit :

Epistola 1.  
Capite 4.

lib. 2. De con-  
sideratione

De Eccl. Hie  
rar. Cap. 5.  
Leo Epif. 88

Dispersit, dedit pauperibus; iustitia eius manet in se-  
culum seculi, cornu eius exaltabitur in gloria. Fœnus  
hoc solum, inquit sanctus LEO, aspicere & exercere  
debemus, ut quod hîc misericorditer tribuimus ab eo  
Domino, qui multipliciter & in perpetuum mansura  
retribuet, recipere valeamus. Neque enim nos heredita-  
repossedimus Sanctuarium Dei, sed alienæ sortis dispen-  
sato-  
res sumus. Cuius peculii usus quidem, inquit Bernardus,  
est bonus, abusus mala, sollicitudo peior, quæstus au-  
tem turpissimus. Dispensationis autem huius, inquit  
Chrysostomus, modus ille, si Ecclesiasticæ facultates ne-  
que redundet, neque temporibus necessarijs deficiat.  
Verum de munificentia Pastoris satis. Adijcitur autem orna-  
tus hic super Sacerdotalem habitum, ad iudicandas eas actio-  
nes atque operationes, quas ipse præter alios Sacerdotes, pecu-  
liari quodam modo exercere solet: quales sunt illæ, ultra re-  
giminis, doctrinæ ac iurisdictionis rationem; quas ex Græcis  
Areopagita, ex Latinis verò Leo Papa, ex antiquissimo ri-  
tu recensent. Presbyterorum (ut eorum verbis utar) & Dia-  
conorum, atque Virginum consecratio, constitutio Ecclesiæ  
atque Altaris, benedictio item eorundem & unctio, per im-  
positiones manuum fidelis baptisandis, vel conuersis ex here-  
si, paracleti Spiritus sancti traditio; quale item est Chrisma  
conficere, Chrismate baptisatorum frontes signare, publice  
in Missa peccantes reconciliare, formatas Epistolas mitte-  
tere. Hæc enim omnia illicita sunt Chorepiscopis atq; Pres-  
byteris, (inquit sanctus Leo) qui ad exemplum & formam  
septuaginta discipulorum esse noscuntur: qui quanquam Con-  
secre-



secrationem habeant, Pontificatus tamen apicem non habet. Quae omnia solis debere summis Pontificibus, auctoritate Canonum precipitur: ut per hoc, & discretio graduum, & dignitatis fastigium, summi Pontificis demonstretur. Sed neq; coram Episcopo licet Præbyteris in baptisterium introiret nec præsentem Antistitem infantem tingere, aut signare; nec pœnitentem, sine præceptione Episcopi sui, reconciliare; nec eo præsentem, nisi illo iubente, Sacramentum Corporis & Sanguinis Christi conficere; nec eo coram posito populum docere, vel benedicere aut salutare, nec plebem usque exhortare.

Sic igitur vestito & ornato Sponso, à fide fit transitus ad Sacramentum: transfert se Sacer Consecrator ad eas operationes, quæ verè sanctæ sunt sanctosq; efficiunt: quæ ex antiquissima & Apostolica traditione, sacris primum signis & actionibus, deinde mysticis vñtionibus continentur. Actiones & signa sacra, à Dionysio tantorum mysteriorum diuino interprete, hæc numerantur. Primum ἡ ποσειδὼν ἐν ἑσχατῇ τοῦ προσώρου, καὶ ἡ πόπτωσις. hoc autem est, aditus ad diuinum altare, ac submissa genuum inflexio. Quod signum, & actionem designare docet. Eum qui instituitur Pontificali consecratione, vniuersam suam vitam, omnemq; mentis integritatem, Deo summo ac primo consecratori subijcere & resignare debere; ad eiusque Deoq; dicatum aditum, qui dignus sit & conueniens, quantum fieri possit, diuino, sanctissimo, ac sacro Altari, ad quod mentes, quæ diuinam speciem præferunt, con-

In eodẽ quĩto  
Capite.

secratur.

*Secundū signum et actio, est ὅτι τῆς ἐπαρχίας καὶ οὐκ ἐπὶ τοῖς ἱερεσὶ*  
*ideſt Sacri Hierarchæ, ac reliqui collegij manuum impositio.*  
*Tangit enim Princeps consecrationis Pontifex, ac deinde cæte*  
*ri omnes, illius qui consecratur caput, manusq; illi imponit:*  
*quod signum & actio, primum diuinum, ut idem inquit,*  
*Dionysius, præsidium declarat; quo, tanquam sancti*  
*pueri, illi qui consecrantur, patris charitate foueri so-*  
*lent, illisque facultatem ac vim Ecclesiastici ordinis*  
*tuendi largitur, contrariasq; potestates procul ab eis*  
*arcet. Docet deinde omnia officia & munera sacri Or-*  
*dinis exequi, eos qui consecrantur; ut sub Deo agen-*  
*tes, eumq; omnium suarum actionum habentes ducē*  
*in omnibus.*

*Tertium signum est, ὅτι σταυροῦ τοῦ κυρίου: id est, crucis ob-*  
*signatio, quæ significat omnium animi simul corporisq; cupi-*  
*ditatum cessationem, diuinæq; vitæ imitationem, immoto o-*  
*culo aspicientem Christum crucifixum, qui ad crucem usque*  
*& mortem expers omnis peccati peruenit; eosq; qui ita vi-*  
*uunt, ut eum imitentur, carnemq; suam cum illo crucifigunt,*  
*quod crux ista designat, sibi similes participes libertatis suæ*  
*à peccato efficit, obſignans eos sigillo & imagine crucis, iusti-*  
*tiae & innocentiae suæ. Quid enim est aliud hæc crucifixi*  
*imago, quàm forma & exemplar perfectum mortificatio-*  
*nis omnium cupiditatum noſtrarum? In hoc enim ligno om-*  
*nia deſideria noſtra, omnes nimie ſollicitudines, omnes cu-*  
*pidoſitates noſtræ, confixæ & mortuæ ſunt. Quæ enim am-*  
*bitio ſanari poterit, quàm hæc ipſa incredibilis humilitas*

Chri-

Christi in cruce pendentis non sanat? *Que avaritia curari, quam hæc nuditas, ac planè extrema paupertas non curat? que libido extingui, quam hæ ipsæ arida facies sefe & aceto imbutæ, salutis nostræ non extinguunt? Vnde Bernardus:* Singuli, inquit, illiciti motus animi mei, singula Epistola 42  
sunt in te Deus conuicia: vi puta iracundiæ motus in mansuetudinem tuam, inuidiæ in charitatem, luxuriæ in sitim tuam, cupiditatis meæ in nuditatem, fastus in tuam extremam humilitatem.

Quartum sacrum Symbolum est sacraq; actio, huicq; ordini quasi propria & peculiaris, & que in nulla alia consecratione adhiberi solet, præter eam que Pontificis est, ὡς τὸν ἀρχιεπίσκοπον ἐπὶ κεφαλῇ & ἐπὶ ὤμων hæc autem est, sacrorum librorum super caput & humerum eius qui consecratur, sanctissima impositio. Cuius modum & rationem sic explicat Carthaginense Concilium: Duo assistentes Episcopi, ponunt & tenent Euangeliorum codicem super caput & ceruicem eius qui consecratur, & vno super eum fundente benedictione; reliqui omnes qui adsunt, manibus suis caput eius tangunt. *Quid autem sibi ea actio velit, diuinus explicat* Ibidem.  
*Areopagita:* Quoniam, inquit, perficiens omnis Sacerdotii vis & scientia, à diuina mysteriorum auctore bonitate diuinis Pontificibus datur, iure ac meritò in capitibus Pontificum, scripta diuinitus tradita ponuntur, quæ compendio scienterque omnem Theologiam, omnem Dei operationem, doctrinam sanctam, diuina & sacra verba & opera, orationes & actiones, quas Hierarchia nostra habet Dei benefici concessu ac munere: quod

27. 1. 1. 1. 1.

Titum. I.

27. 1. 1. 1. 1.

quod diuinus Pontifex, omni quidem facultate quæ Pontifice digna est, præditus esse debeat & omnium sacrarum interpretationum atque factorum, quæ Hierarchiam attingunt, vera atque à Deo tradita scientia non illustrari modo, verum etiam alijs, vt Pontifici consentaneum est, tradere; perficereq; diuinis scientijs ac summis, vt ita dicam promotionibus ex Pontificis dignitate omnia, quæ in tota Hierarchia maximam vim perficiendi habens. *Ex multis enim & varijs functionibus, quæ Episcopum attingunt, illa propria ac quasi peculiaris est, Euangelium prædicare; vt potens sit, inquit Paulus, in doctrina sana, & eos qui contradicunt arguere. Itaque in prisca illa & veteri Ecclesia, nemo hoc docendi pulpitum conscendebat, nisi is qui Episcopus esset; vel si forte aliqua summa infirmitate præpediebatur. Presbytero quidem cuiquam hoc munus delegabat: ita tamen, vt ipse eius doctrinæ testis & iudex interesset. Itaque etiam Pontifices, nonnunquam in lectis ad templum adferebantur, vt eius doctrinæ quæ populo tradebatur, testes & arbitri interessent, ne quid illis inscijs atque incautis, hereticæ labis & pestis subreperet. Non in capite autem tantum sacer Codex Episcopi ponitur, sed in humero etiam: Vt primus ipse hoc iugum subeat, ac in societate Iesu Christi trahat: vt populo Dei more sancti Moysi, atque adeo Iesu Christi præeat, ac viam per huius vitæ turbulentem pelagus pandat, angustamq; illam semitam & asperam, primus teneat ac muniat. Vt illud possit dicere cum CHRISTO: Discite à me, quia mitis sum & humilis corde. Exemplum*

plum enim dedi vobis; ut quemadmodum ego feci ita, <sup>1. parie pa-</sup>  
 & vos faciatis. *Et illud Pauli: Imitatores mei estote,* <sup>Boralis. 2.</sup>  
 quemadmodum ego Christi. Nani si pastor, inquit *Gre-* <sup>Matth. 11.</sup>  
*gorius:* per abrupta graditur; grex profectus ad precipi-  
 tia sequetur, aut qua presumptione percussus in mede- <sup>Joan. 13.</sup>  
 ri properat, qui in facie vulnus portat tantumq; de- <sup>1. Cor. 4.</sup>  
 bet actione populi actio transcendere Præsulis; quamvis  
 distare solet à grege vita Pastoris. Qui in locis ut necessi-  
 tate exigitur summa dicere, ac eadē necessitate cōpellitur  
 summa mōstrare; ne subditi in exēplo eius qui præest, qua  
 in obstaculo itineris offēdāt. Sacerdotes namq; vocamur,  
 quia ideo præsumus, ut sacrum ducatum fidelibus præbea-  
 mus: nulliq; illicitum videtur, inquit *Ambrosius*, quod  
 ab Episcopo quasi licitum perpetratur.

*Quinta & Ultima diuina est actio, quam sacer Diony* <sup>De Dignita-</sup>  
*sus* <sup>in p. auar. p. 589</sup> *hoc autem est, ut sacrum exponit. Canha-* <sup>sacerdotali.</sup>  
*ginen. Concilium, eam que super eum qui consecratur fundi-*  
*tur benedictionem: que talis est: Propitiare, inquit, Domi-*  
*ne supplicationibus nostris, & inclinato super hunc fa-*  
*mulum tuum cornu gratiæ Sacerdotalis, benedictio-*  
*nisq; tuæ in eum infunde virtutem. Prorumpitq; sacer An-*  
*riſtes in diuinas laudes, eum esse honorem omnium di-*  
*gnoſcit, qui gloriæ eius sacris famulantur ordinibus.*  
*Qui per Moysen famulum suum; secreti familiaris af-*  
*faru, inter cætera cœlestis documenta cūlura, de ha-*  
*bitu quoque indumentis sacerdotalis inst. tuens, electū*  
*Aaron mystico amictu vestiri inter sacra iussit; ut in-*  
*sit; ut intelligentiæ sensum de exemplis priorum ca-*  
*peret*

Peret secutura posteritas : ne eruditio doctrinæ eius vli deesset ætati. Cum & apud veteres reuerentiam, ipsa significationum species obtineret, & apud nos certiora essent experimenta rerum, quàm enigmata figurarum. Illius nanque Sacerdotii anterioris habitus, nostræ mentis ornatus est; & Pontificalem gloriam non iam honor comendat vestium, sed splendor animarum. Quia & illa quæ tunc carnalibus blandiebantur obtutibus, ea potiùs quæ in ipsis erant intelligenda poscebant.

*Præcatur deinde, Vt ei famulo suo, quem ad summi Sacerdotii ministerium elegit, eam gratiam largiatur: vt quicquid illa velamina in fulgore auri, in nitore gemmarum, & in multimodi operis varietate significabāt, hoc in eius moribus actibusq; clarescat. Vt compleat in Sacerdote suo ministerij sui summam, & ornamentis totius glorificationis instructum, cœlestis vnguenti rore sanctificet. Atque ita deinceps se ad sacras confert vñctiones. Significat autem ea αὐτὸς ἑαυτοῦ, siue sacra precatio, vt idem inquit Dionysius, Deo charum consecrator-interpretem, esse diuinæ creationis siue electionis; qui non suo munere eos qui consecrantur, ad Ecclesiastici ordinis honorem virtutemq; efferat; sed diuini numinis instinctu agiratus in omnibus consecrationibus quæ Pontificem attingunt. Cum autem sanctificatio, vt inquit Magnus Basilius, sine spiritu non sit, cum & cœlestes illæ anglicæ virtutes, quæ natura quidem sanctæ non sunt, sic enim nullam haberent differentiam ab eo spiritu, qui solus*

*De spiritu  
s. Cap. 16.  
& Epist. 79*



ius natura sanctus dicitur, secundū proportionem tamen sue dignitatis & excellentie, sanctificationis sue modū & mēsuram ab eodem spiritu sancto accipiant. *Edit enim est dignus Dei, per quem omnia solidantur: hæc est superna illa & celestis unctionio, quæ docet omnia: hic est ignis purissimus, qui mundat, purgat, & sanctificat ea vniuersa, quæ sancta sunt. Proinde diuinus Antistes creatore Spiritu, super eum quæ facerat, inuocato, ad sacras unctiones se confert; ut ostendat, hūc ipsum qui sacraur ministrum, & vicarium illius fore, quæ duxit Deus oleo letitiæ præ consortibus suis,*

Luc. 11  
Ioan. 2.

Psal. 44.

Vngit autem primū caput eius, cum ea præfatione:  
Hæc unctionio, inquit, Domine copiosè in caput eius influat: hæc in os subiecti decurrat; hoc in totius corporis extrema descendat: ut tui Spiritus virtus & interiora eius repleat, & exteriora circumtegat. Abundet in eo constantia fidei, puritas dilectionis, securitas pacis: Sint speciosi munere tuo pedes eius, ad Euangelisandum pacem, ad Euangelisandum bona. Da ei Domine ministerium reconciliationis in verbe & in factis, in virtute signorum & prodigiorum: Sit sermo eius & predicationis non in persuasibilibus humanæ sapientiæ verbis, sed in ostensione spiritus & virtutis. Da ei Domine clauēs regni cœlorum, ut vratur, non ut gloriatur potestate; quam tribuis in ædificationem, non in destructionem. Quodcunque ligauerit super terram, sit ligatum, & in cœlis: & quodcunque soluerit in terris, sit solutum & cælis. Quorum detinuerit peccata, detenta sint:

Roma. 10.  
2. Cor. 12.  
1. Cor. 2.

Matt. 16.

& quorum dimiserit, tu dimittas. Qui maledixerit ei,  
*Gene. 27.* sit ille maledictus: & qui benedixerit ei, benedictioni-  
*Maub. 24.* bus repleatur. Sit fidelis seruus & prudens, quem con-  
 stituas tu Domine super familiam tuam, vt det illi ci-  
 bunt in tēpore opportuno, & exhibeat omnem homi-  
*Rom. 12.* nem perfectum: sit sollicitudine non piger, sit spiritui  
 feruens: oderit superbiam, humilitatem ac veritatem  
 diligat, neque eam vnquam deferat, aut laudibus, aut ti-  
*Isa. 5.* more superatus. Non ponat lucem tenebras, nec tene-  
 bras lucem: non dicat malum bonum, neque bonum  
*Rom. 1.* malum. Sit sapientibus & insipientibus debitor, vt fru-  
 ctum de profectu omnium consequatur. Tribuas illi  
 Domine Cathedram Episcopalem, ad regendum Ec-  
 clesiam tuam & plebem sibi commissam: sis ei auctori-  
 tas, sis ei potestas, sis ei firmitas. Multiplica super eum  
 benedictionem & gratiam tuam, vt ad exorandā sem-  
 per misericordiam tuam, tuo munete idoneus, & tua  
 gratia possit esse deuotus. *Ac deinceps interpositis alijs ora-*  
*tionibus, ac publico Ecclesie cantu, ad vñctionem manuum e-*  
*ius accedit; quas item cum ea postulatione iungit:* Deus  
 & pater Domini nostri Iesu Christi, qui te ad Pontifi-  
 catus sublimari voluit dignitatem, ipse qui per Samue-  
*1. Reg. 26.* lem David in regem & Prophetam inunxit, te nostro  
 ministerio Chrismate & mystice delibutionis liquo-  
 re perfundat, & Spiritualis benedictionis vberitate fec-  
 undet: vt quicquid benedixeris, benedicatur: & quic-  
 quid sanctificaueris, sanctificetur: & consecratarum  
 manuum istarum impositio, cunctis proficiat ad salu-  
 tem.

tem. Neque verò frustra, aut sine causa tam prolixis, tã frequentior repetitis precibus, hic ipse qui consecratur. Deo omnium bonorum auctori & largitori commendatur. Plus enim, inquit Chrysostomus, eius modi precibus indiget, In primis  
c. ad Titum:  
sermo 1.  
quàm cæteri omnes. Nam quântò est celsior dignitas, tanto Sacerdotis maiora sunt pericula. Sufficit enim vel, vnum Episcopatus rectè factum authorem suum in cælum attollere, vnumq; peccatum in ipsum iniicere gehennæ profundum. Nam in qui in ordine priuato parum religiosus erat, multò profectò magis id patitur, cùm Ecclesiæ gubernacula regēda susceperit: quippe tum & inanis gloria vehementius imminet, & pecunie amor & fastus; cùm principatus ipse præstet licentiam offensionis & contumeliæ, atque maledicta, & alia prorsus innumera. Votis itaque omnibus optandū, vt qui antea pietate, præditus fuerat, talis permaneat suscepto munere administrationis. Hæc Chrysostomus.

Vngitur autem futurus Hierarcha primum in capite, per quod mens eius designatur: quò admonetur, vt diligat Deum ex toto corde suo, & ex tota anima sua, & ex omnibus viribus suis; & proximum suum, sicut seipsum: quarum rerum omnium, caput fons est & principium. Deinde, vt auctoritas & dignitas eius declaretur, eum scilicet esse caput & Principem Ecclesiæ suæ; quomodo vix uxori suæ caput dictus est. Honor enim & sublimitas Episcopalis, inquit Ambrosius, nullis poterit comparationibus adæquari: si Regum fulgori comparēs, & Principum Diademati, li. cap. 2.  
longè erit inferior, quàm si plumbi metallum ad auri

fulgorem compares: quippè cùm videas Regum colla  
& Principum submitti genibus sacerdotum, & exosca-  
latis eorùm dexteris, orationibus eorùm se commen-  
dare & communire, qui item cornu luo Reges & Sa-  
cerdotes vngunt. Sed providendum est, inquit *Ambro-  
sius*, ne sit honor sublimis, & vita deformis: ne sit deifi-  
ca professio, & illicita actio: ne sit religiosus amictus, &  
irreligiosus prouectus: ne sit gradus excelsus, & defor-  
mis excessus: quia sicut nihil esse diximus Episcopo ex-  
cellentius, sic nihil est miserabilius, si de sancta vita Epi-  
scopus periclitetur, si Sacerdos in crimine teneatur.  
Nam quantò gradus altior est, tantò ruina grauior: ho-  
nor grandis, grandiori debet sollicitudine circumual-  
lari. Ideo igitur prærogatiua honoris môstratur, vt me-  
rita congrua requiratur.

Vngitur demùm in capite, vt ostêdatur esse vicarius Chri-  
sti: eiusq; dignitatem & authoritatem gerere, qui est super  
omnia; & quem constituit Deus caput super omnem Ec-  
clesiam. Ideo Reges non iam in capite, sed in humero vngun-  
tur: Primum, vt is proprius honor sit illius, quem Deus con-  
stituit excelsum super omnes Reges terræ, & quem oleo leti-  
ciæ excellentius & augustius vnxit præ consortibus suis. De  
inde vt ostendatur, quod primò ante omnes Reges & Principes  
persona capituli Pontificali officio representetur. Vngitur  
tamen & Rex in humero, vt neque ipse planè excludatur à  
representatione eiusdem capituli: Nam & huius Principa-  
tus, vt dixit *Esaias*, tuit super humerum eius: & vt sciât  
se esse ministerium ad portandam crucem Iesu Christi  
lau-

Ephe. i.

psal. 88.

psal 44.

Esa. 9.

Rom. 13.

laudem bonorum, vindictam autem malorum.

*Sed non caput tantum Pontificis igitur, verum & manus. Primum, propter officium et ministerium eius, ut se sciat dignitatem non propter ocium, sed propter negotium suscipere: ut sciat ex illo se numero operariorum esse debere, qui sustinent pondus diei & æstus. Demum, ut illis manibus adsit virtus Spiritus sancti, eas teneat & dirigat: cum illis laboraret et operetur: ut quicquid benedixerit, benedicatur; quicquid sanctificauerit, sanctificetur: Quo certior fiat populus Christianus, dicente Episcopo aut Sacerdote Ego te baptizo: ego te absoluo: non illum baptizare, non illum peccata relaxare, sed in unctionem ipsam sed eum Spiritum, cuius hæc unctio signum est, omnipotenti virtute & presidio suo hæc talia efficere. Itē, cum accepto pane et calice, in ita consecratas manus, illa verba profert: Hoc est corpus meum: Hic est sanguis meus non illum aliquid vi sua efficere, sed Spiritum sanctum descendere, & virtutem altissimi obumbrare: ut qui in utero virginis verum corpus & sanguinem eius admirabili & illi soli cognita virtute effecit, idem sub speciebus panis & vini hoc idem efficiat. Quibus sacris Symbolis & mysterijs, cum hæretici careant, mirum esse non debet, si ea quæ in Ecclesia Catholica certissima & facillima esse videntur, ab illis non intelliguntur; per exiguamq; vel nullam potius, his fidem habeant. Neque enim nos hæc humanis viribus aut meritis tribuimus, sed illi Spiritui sancto, de quo David dixit: Emitte Spiritum tuum & creabuntur, & renouabis faciem terræ. Unguntur amplius manus eius qui consecratur, ut operetur bonum: ad omnes quidem, sed maximè ad domesticos*

Matth. 20.

Luca 1.

Psal. 103.

Gal. 3.  
fidei

Prover. 31.  
Can. 5.  
Luc. 12.

*fidei: ut manus suas mittat ad fortia; ut panem ociosus non comedat; ut manus eius distillent myrrham; ut sit beatus foris ille, quem cum venerit dominus, inuenerit vigilantem, & operantem.*

Luc. 6

Matb. 7.  
2. Cor. 1.

*Vngitur autem sancto Chrismate, quod ex oleo & balsamo confici & temperari solet; ut per oleum quidem, nitor & puritas conscientie denotetur. Bonus enim homo, ex bono thesauro profert bona: & malus homo, de thesauro malo profert mala. Nec colligunt de spinis vvas, aut de tribulis ficus. Non potest arbor bona malos fructus facere. Gloria nostra, inquit Paulus, hæc est, conscientia nostra: sed non gloria tantum, Verum etiam omnium laborum suaue condimentum; sed omnium rerum aduersarum tutissimus portus; sed contra omnes visibiles ac inuisibiles hostes munitissimum presidium; dominusque libertatis domus, & amplissimus campus: sine qua qui docet, illud Dauidicum, quod aliquando magnum illum Origenem perterritum, expauescat. Quare tu enarras iustitias meas, & assumis testamentum meum per os tuum? tu autem homo peccator es. Cum videbas furem, currebas cum eo & cum adulteris ponebas portionem tuam. Existimabas improbe, quod tibi similis? arguas te, & statuas contra faciem tuam. Intelligite hæc qui obliuiscimini Deum, ne quando rapiat & non sit qui eripiat.*

In 2. caput  
Epistolæ ad  
Timotheum.  
Titum. 1.

*Balsamo autem designatur odor bonæ famæ: Eum enim qui sacerdotio fungitur, inquit Chrysostomus, odorem spirare optimum conuenit. Ut sit pastor sine crimine; ut habeat testimonium etiam ab his qui foris sunt; ut item lu-*



erat lux eius; quo videntes homines bona opera eius, glorifi-  
 cent Patrem qui in cælis est; ut innocentia sua obstruat ora  
 maleuolorum: sine qua eximia fama qui docet, eum al-  
 tera quidem manu trahere, altera repellere dicebat  
 magnus Nazianzenus. Ab omni specie mala, inquit Pau-  
 lus, abstinete vos; non à re tantum, sed specie etiam. Non sit  
 in conscientia, inquit Bernardus, nutans infirmitas modi-  
 cæ fidei; non sit in fama næuus malæ speciei; ut sic du-  
 plicibus, interna scilicet maturitate & externa specie,  
 vestiamur. Ut illud confidenter, ille qui forma est gregis, dice-  
 re possit. sicut Balsamum aromatizans odorem dedi-  
 Et illud Pauli: Christi bonus odor sumus in omni lo-  
 co ut sit flagrans & suavis odor primogeniti Esau. Et  
 hoc est, quod sibi voluerunt tintinabula illa suspensa ex vesti-  
 mento Aaronis sacerdotis, de quibus præcepit Dominus: Au-  
 dian tur sonitus, quando ingreditur, vel egreditur, sa-  
 cerdos sanctuariū in conspectu Domini, & non mo-  
 riatur. Non alius certè sonitus, quàm excellentis laudis &  
 gloriæ, ac omnium virtutum celebris prædicationis. Et ideo,  
 & lege ipsi Dei cautum fuit, ut is qui in Sacerdotum nume-  
 ro censeri debebat, omni vicio sive corporis, siue animi, care-  
 ret; ne uel quid infamiæ in tota illius vita haberet. Et à sacris  
 Canonibus pie statuitur, ut is qui ministerio Altaris addici-  
 tur, non in modo omni culpa & scelere careat, sed etiam ab  
 omni suspitione aut opinione sceleris, sit alienissimus. Fe-  
 neatur, inquit sanctus LEO, subscriptio Clericorum,  
 honoratorum testimonium, ordinis consensus & ple-  
 bis: qui præfuturus est omnibus, ab omnibus eligatur,

1. Tim. 3.  
 Matth. 5.

1. Tes. 5.  
 Libro 4. De  
 consideratio  
 ne.

Eccle. 24.  
 2. Cor. 2.  
 Gen. 27.

Exodi 28.

Leuit. 11.

Epi. 89. &  
 103.

Ad

Et hæcenus quidem peracta est Consecratio, confectum Sacramentum. Iamq̃ ille qui consecratur, non amplius Electus, sed Consecratus appellatur. Quo in loco modicum insistamus. Sancti estote Patres mei, quoniam Dominus vester sanctus est; quoniam impusitio manuum quæ facta est super capita vestra, sancta fuit; quoniam vñctio qua vñcti estis, sancta est; quoniam verba, signa, & operationes consecrationis vestre, non sancta modo sunt, sed sanctissima etiam. Sancti igitur estote & vos, dateq̃ omnem operam, ne sancta impure, sublimia demisse, honore digna turpiter; & ut vno complectar, Spiritualia terrenè celebretis: ne hæc ipsa membra vestra, organa diuina, instrumēta ratione prædita: instrumenta quæ à præclaro artifice Spiritu sancto concinnantur atque pulsanur, ambitionis, cupiditatis, libidinis, ac turpitudinis arma efficiatis, ne templum Dei, tam sanctè consecratum, poluatis, ac contaminetis; ne parietes de albatu sitis, & dicamini; ne similes efficiamini sepulchris de albatu, quod quondam Phariseis obiecit Christus Dominus, quæ à foris patent hominibus speciosa, intus verò plena sunt ossibus mortuorum & spurciciæ; ne omnia quidem sancta habeatis, ipsi autem prophani sitis. Audite quid dicat Dominus.

Actu. 23

Matth. 23.

Loquere ad Aaron; Homo de semine tuo per familias, qui habuerit maculam, non offerat panes Domino Deo suo, nec accedat ad ministerium eius. Si enim homo apud hominem, inquit Gregorius, de quo minimè præsumit fieri intercessor, erubescit, qua mente apud Deum intercessionis locum pro populo arripit, qui familiarem se eius gratiæ per vitæ merita nescit? aut ab

Leuit. 21.

Parte prima

pbitoralis 10

pit. 11.

H

illo

illo quomodo alijs veniam postulet, qui vtrum sit sibi placatus, ignorat? Qua in re est formidandum, ne qui placare iram posse creditur, hanc ipse ex proprio reatu mereatur. Mundamini igitur qui fertis Vasa Domini.

Isa. 52.

Quia necesse est ut mundas habere studeat manus, qui diluere aliorum sordes curat; ne tacta quaeque deterius inquinet, sed sordida in se mens lutum tenet. Et ideo in Sacerdotali habitu, ante omnia aurum fulget. Quid autem auro, quod ceteris metallis purius & preciosius est, designatur, nisi perfectio sanctitatis?

Thren. 4. 2.

Exod. 19.

Aurum igitur obscuratur optimum, cum terrenis actibus sanctitas vitae polluitur. Moneat vos illud, quod ad montem fumantem, neque ex populo quisquam; neque ex senioribus & Sacerdotibus populi, sed neque Aaron atque filij eius, quamvis summa cura & diligentia purgati accesserunt.

Leuit. 10.

Exod. 19.

sed solus Moyses. Moneat exemplum Nadab & Abiud, quod nouo duntaxat igne thura adoleuissent, nouo igne absumpti sunt; atque eodem tempore, & loco, quo nefaria crimine se deuinxerunt; perierunt ac ne patre quidem Aeron primū apud Deum, secundum Moysen, tenentem locum, ipsos à periculo vindicare potuisse. Tum etiam id, quod Heli Sacerdoti,

1. Reg. 4.

2. Reg. 6.

ipsi quidem viro bono, nimis tamen filijs indulgenti, accidit.

Moneat etiam funestus casus Oza, Arcam cadentem non expiatis manibus fulcire volentis. Sancti ergo estote, quoniam

dux vester, & caput vestrum sanctum est: quoniam manibus carnis, diuina & caelestia tractatis: quoniam omnis integritatis & innocentiae, estis duces & magistri. Sanctitatis autem vestrae, illam mensuram, illum modum, ponit sanctus Chrysostomus. Quanta, inquit ille, inter se differetia

tia homines rationis vsum habentes, & bruta ratione  
 carentia dissident; tantum sanè discrimen inter eum  
 qui pascit, atque eos qui pascuntur, esse velim, vt ne ma-  
 nu etiam exigam si quidem in multò etiam maiori-  
 bus rebus periculum ipsum versatur. Etenim Sacerdo-  
 tium ipsum in terra quidem peragitur, sed in rerum  
 coelestium classem ordinemq; referendum est. Atque  
 id perquam meritò: quippè non mortalis quisquam,  
 non Angelus, non Archangelus, non alia quæuis crea-  
 ta potentia, sed ipse Paracletus ordinem huiusmodi di-  
 sposuit: qui mortalibus hominibus etiamnum in car-  
 ne manentibus autor fuit, vt angelorum ministerium  
 animo conciperent. Idcirco necesse est Sacerdotem  
 sic esse purum, vt si in ipsis cœlis collocatus, inter cœle-  
 stes illas virtutes medius staret, eiusq; animum solaribus  
 rabidis puriorem esse oportet; vt ne quando Spiritus  
 sanctus desolatum illum relinquât, vt dicere possit:  
 Viuo equidem non amplius ego, viuit autem in me  
 Christus. Eum enim qui pro ciuitate tota, quid dico ci-  
 uitate? imò verò pro vniuerso terrarum orbe legatus  
 intercedit, deprecatorq; est apud Deum, vt hominum  
 omnium, non viuentium modò, sed etiam mortuorū,  
 peccatis propitius fiat, qualem quæso esse oportet?  
 Quum autem ille & Spiritum sanctum inuocauerit, sa-  
 crificiumq; illud horrore ac reuerentia plenissimum  
 perfecerit, communi omnium Domino manibus assi-  
 duè pertractato: quæro ex te, quoto illum in ordine  
 collocabimus? quantam autem ab eo integritatem exi-

*Chrysost. h.  
 2. de Sacerdo-  
 tio.*

*Ibidem h. 3.  
 de Sacerdo-  
 tia.*

*Lib. 6. de Sa-  
 cerdotio.  
 Galat. 2.*

*Sacrificium  
 horrore ac re-  
 uerentia ple-  
 nissimum.*

Angeli Sacer  
doti affidēs.

gemus? quantam religionem? Considera enim quales manus illas administrantes esse oporteat: qualem linguam, quæ verba illa effundat: qua denique re non puriorem sanctioremque esse conueniat animam, quæ tantum illum, tamque dignum Spiritum receperit. Per id tempus & Angeli Sacerdoti assident, & cœlestium potestatum vniuersus ordo clamores excitat; & locus Altari vicinus in illius honorem qui immolatur, angelorum choris plenus est: Luminis instar, vniuersum orbem illustrantis.

*Et hæc quidem Chrysostomus. Nos autem ea quæ sequuntur, oratione prosequamur.*

Confecto sacramento, confert se diuinus Hierarcha ad Spiritualem Oeconomiam. sanctæque proles gubernationem, Armatus igitur primum & instruit nouum sponsum, dat regenda et gubernanda familie instrumenta ac gubernacula. Et eum omne regimen omnisque administratio, autoritate amore contineatur: Oderunt enim peccare mali, formidine pœnæ: Oderunt peccare boni, virtutis amore. tradit in primis in manus noui Antistitis consecratum Baculum; auctoritatis scilicet discipline insigne, sustentaculum imbecillitatis humane; ut sit in coercendis vitijs pie seuerus, iudicium sine ira tenens, lenis in fouendis virtutibus, audientium animos demulcens, in tranquillitate seueritatis censuram non derens; ut reuocet errantes, regat iustos, pungat & stimulet ignauos & inertes, regat iustos, pungat & stimulet ignauos & inertes, repellat nocentes: ac iuxta Ezechielem, attrahat

Ezech. 34.

va-

*Vagum, sustentet languidum, stimulet pigrum; portit in humeris suis, exemplo Principis pastorum, egrum & debile.*

*Vt increduli, inquit Bernardus, conuertantur ad fidem, Lib. 3. de cōsideratione.*

*conuersi non auertantur, auersi reuertantur, peruersi*

*ordinentur ad reſtitutionem, subuerſi ad veritatem reuocentur, subuerſores conuincantur; vt vel emendentur*

*ipſi, ſi fieri poteſt; vel ſi non, perdant auctoritatē facultatemq; alios ſubuertendi. Excufferunt hoc inſigne*

*poteſtatis & authoritatis, diſcipline item de manibus Pontificum, huius ſæculi hæretici, & ideo in omni rerum conſuſione & perturbatione verſantur. Non poteſt enim Deo*

*Lib. 5. de cōſideratione.*

*effe contrarium quid, & ſibi met cohærere, aut ſecum*

*Pſal. 22.*

*conſentire: dicebat Bernardus. Nec poſſunt verè dicere, Virga tua, & baculus tuus, ipſa me conſolata ſunt. Ideo*

*Heb. 12.*

*ne filij quidem, quia extra diſciplinam ſunt: quā ſublata et extincta, omnem ordinem auferri, omnem recti & honeſti*

*Li. 3. de cōſideratione.*

*differentiam extingui oportet. Impunitas enim, inquit idem Bernardus, incuriæ ſoboles, inſolentiæ mater, radix im-*

*puidentiæ, tranſgreſſionis nutritrix, matris noxiæ libertatis peſſima ſoboles hæc. Sed nunquam excuſſiſſent, ſi Pon-*

*tifices rem magis, quàm inſignia rei, completi voluiſſent. & ſi pro religione potiùs contra impietatem, pro fide contra per-*

*fidiam, pro veritate contra mendacium, pro virtute contra ſcelus, pro iuſtitia contra iniuſtitiam, pro pudore contra ſlagitium & impudentiam, quàm pro ſuiſ commodis ac honori-*

*bus, ea poteſtate & auctoritate quæ illis à Deo tradita eſt, Vt voluiſſent. Verùm cum hæ nuptiæ, hocq; regimen, non tam*

*timoris, quàm amoris ſit. non tam ſeueritatis, quàm chari-*

*tatis.*



Ephef. 5.

Ioan. ult.

Li. 2 de consi-  
deratione.

Lucæ 14.

Psalm. 101.

Esaiæ 62.

Cant. 8.

tatis: Nam & Christus Dominus dilexit Ecclesiam, & tradidit semetipsum pro ea. ut illam sanctificaret, mundans eam lauacro aquæ in verbo vitæ: ut exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi, sed ut sit sancta & immaculata. Et eum quem vicarium loco sui relicturus erat, priusquam illi dispondisset, ter interrogauit, num se diligeret, & propter se sponsam suam. Quod cum ille summa asseueratione ter professus fuisset, tum demum illud audiuit: *Pasce oues meas, pasce agnos meos.* Sanè qui dicit. *Amice ascende superius,* ait Bernardus, amicum fore fidit. Si minus inueniat, non expedit quidem. Qui eleuauit, & deicere potest. Sera querela, quoniam eleuans allisisti me. Eius igitur amoris & charitatis symbolum, sacer Cōsecrator nouo sponso tribuit, consecratum ANNVLVM: eum monens, ut accipiat Annulum, fidei scilicet & amoris, signaculum, quatenus sponsam Dei, Sanctum videlicet Ecclesiam, intemerata fide ornatus, illibatam custodiat, In quo amore & dilectione si pastores persisterent. Super muros Hierusalem, starent custodes, tota die tota nocte non tacentes. *Habitaret enim iuuenis cum virgine: & gauderet sponsus super sponsam, & gauderet super illos Deus eorum.* Dura enim ut mors est dilectio, & tanquam infernus emulatio. Cupiditas & amor, dulces sunt tyranni. Videmus bubulcum, inquit Nazianzenus, ob vitulum vnum ab armento aberrantem, vel pastorem ob pecudem decadis grege desideratam, vel auem ob nidulum quem ad breue tempus reliquit, vsque aded discru-

scrui-

scrutari solere; ut & illi arreptis fistulis, in speculam  
 quandam euecti, calamos omnes mœrore impleant, at *In Oratione*  
 que palantia animalia quasi ratione prædita euocent; *posteaquam*  
 ac si paruerint, maiorem ex illis, quàm ex reliquis si- *rure in urbem*  
 mul omnibus, delectationem percipiant: hæc autem  
 stridens ad nidum conuolet, pulvisq; stridentibus ad-  
 uoluetur, eosque pennis foueat: quo tandem chariores  
 esse par est apud bonum egregiumque pastorem oues  
 rationis participes, & pro quarum salute nonnihil peri-  
 culi adiit: quandoquidem hoc quoque acriores ani-  
 mi flammæ excitat. *Qui amor cum in pastoribus nostris*  
*seculi non sit, ideò non gaudet sponsus super sponsam suam;*  
*ideò alienam sequitur; ideò ubiuis potius libentius agit, quàm*  
*in ouilibus suis: Ideò alij prius ex hac uita decedunt, quàm*  
*Cathedras suas reuaserunt: ideò in Geographicis tabulis ne-*  
*cessè habent situs & locum Episcopatum suorum querere.*  
*Quid capiet piscator ille, qui procul à litore abest? sit periti-*  
*simus, sit solertissimus licet, pastor item ille quid proficiet, qui*  
*stabulum ingreditur nunquam: Quis inter fluctus, inquit* *Epistola. 92.*  
*LEO,* nauem diriget, si gubernator abscedat? quis ab-  
 insidijs oues custodiet, si pastoris cura non vigilet? quis  
 denique latronibus oblistet, & furibus, si speculatorem  
 in prospectu explorationis locatum, ab intentione solli-  
 citudinis amor quietis abducatur? *Et tamen grauer se-*  
*rimus, quod in eum locum deducta sit res Ecclesiasti-*  
*ca: Nemo plus læsit quàm nos ipsi, sed & hucusque*  
*ledimus. Vnde autem hæc tam supina negligentia?*  
*nisi inde, quod Christum Iesum non amamus: quod*  
 salutis

salutis nostrae nullam, vel perexiguam rationem habemus, quòd Academicas quasdam quaestiones sequamur. Negligenter pascens toties commendatum Dominicum gregem, inquit magnus Leo, conuincitur summum non amare pastorem.

Pastor consecratur, ergo pascua illi traduntur. Accipit Consecrator Euangeliorum librum, eumq; nouo Praesuli tradit: Accipe, inquit, Euangelium, & vade praedica populo tibi commisso. Potens est enim Deus tibi augere gratiam suam. Ac si diceret: Ne putes in Paulo & Petro, Tito et Timotheo, Chrysostomo & Augustino, munus & functione Apostolicam desuisse: ne putes caelestem illam benedictionem & auxilium aeterni Patris sublatum esse, quo illi subnixi, profecti annuuciauere Euangelium vniuerso mundo: potens est Deus etiam tibi dare gratiam suam, ac per te similia operari. Et si enim illi plus omnibus, inquit Ber-

Li. 2 de consi-  
deratione.

nardus, laborarunt, non tamen totum elaborauerunt, tibi adhuc locus relictus est. Neque te illud tantoperè terreat, quòd sublimibus humanae sapientiae verbis careas, quòd serius ad sacrarum literarum lectionem accessisti, quòd nunquam Cathedram Doctoris conscenderis. Aude, & fac aliquid, Potens est enim Deus tibi augere gratiam suam. Nichil agentem, impossibile est bene operari. Melius serò, quam nunquam. Nam & vndecima hora operarij, diurnam acciperunt denarium. Petro nihil indoctius, Paulo nihil imperitius, inquit Chrysostomus. Et hoc illi profitebantur, nec eos hoc fateri pudebat, Et si imperitius sum, inquit Paulus, sermone, non tamen scientia: Sed tamen hic im-

Matth. 20.  
In proœmio  
Epistolæ ad  
Roman.  
2. Cor. 11

peri-

peritus, & ille indoctus, sex centos Philosophos super  
arunt: sexcentis Rhetoribus os obturarunt; suo ipsorū  
studio, propensaq; voluntate, & Dei gratia, omnia pera  
gentes. Inique certe & calumniose heretici, ut in ceteris  
omnibus, ita & in hac parte conviciantium, Verbi Dei in  
Ecclesia Catholica nullam rationem haberi, sacram scriptu  
ram supprimi; aliunde potius, quam ex scripturis diuinitus  
traditis, dogmata populo Christiano proponi; humanas tra  
ditiones, pro diuinis praeceptis & mandatis obtrudi; quae il  
lorum oratio, quam vana, quam cum euidenti calumnia con  
iuncta sit, haec ipsa traditio libris Euangeliorum; haec noui  
Pastoris compellatio, quae quasi summam Pontificalis mu  
neris continet, abunde docet. In qua Codicis traditione, tria  
nobis praecipue sunt obseruanda. Primum illud, quod non  
ipse sibi, is qui populo Dei praeficitur, codice sumit: hoc enim  
hereticorum proprium & peculiare semper fuit; sed à sede  
Christi, sed ex manu diuini Hierarchae accipit. Nam ne  
que Moyses quidem sibi ipsi tabulas, in quibus Lex Dei cō  
tinebatur, sumpsit, sed de manu Dei acceptas populo tradi  
dit. Et Paulus, id quod à Domino accepit, se tradidisse do  
cet. Et Timotheum monet idem Paulus, ut id custodiat,  
non quod sibi priuata auctoritate sumpsit, sed quod apud eū  
depositum est. Secundum verò illud animaduertendum erit,  
tradi illi Codicem Euangeliorum: non vnum aliquod Euan  
gelium, non partem aliquam Euangelij. Nam hoc item he  
reticorum proprium est, ut partem quidem vnam sacrae scri  
pturae tueantur, reliquas autem vel negligant, vel tanquam  
Apocryphas & profanas penitus rejiciant. Huic autem no  
stro

1. Cor. ii.

1. Tim. 6.

stro totum traditur Euangelium; ut ita eius unam partem  
 seruetur, ita interpretetur, ne reliquarum sensum & verita-  
 tem peruertat: ita vni parti innitatur, ut reliquarum conser-  
 uet sanctitatem. Tertium demum illud, quod quæ Ecclesia  
 illi tradit Euangelium, eadem & sensum ac interpretatio-  
 nem eius Euangelij eum docet: ne ipse novos sensus querat,  
 ne sua figmenta pro Catholica doctrina obtrubat, ut Spiri-  
 tus Dei, non humani sensus, sequatur doctrinam. Prophetia

2. Pet: 1.

enim, atque vniuersa scriptura, inquit sanctus Petrus, pri-  
 uatæ interpretationis non est. Ut enim illud Euangelium  
 adfert, quod omnium temporum atque locorum est, ita &  
 eam interpretationem sequi debet, si verus, si solidus, si Ca-  
 tholicus Doctor esse, & haberi vult, quæ omnium ætatum et  
 temporum, omnium item gentium & nationum, iudicio &  
 auctoritate sit comprobata. Hecq; illa est vera, inter Catholi-  
 & hereticum Doctorem atq; Magistrum differentia, quod  
 vterque sacre scripture testimonijs vtitur, vterque Euange-  
 lium laudat, vterque pro hoc vitam sanguinemq;, si ita opus  
 sit, se profundere paratum esse dicit. Hic tamen hoc Euange-  
 lium, eiusq; ministerium, priuata sibi sumit auctoritate: ille à  
 potestate ordinaria accepit: hic partem aliquam tuetur, ille  
 totum simul corpus defendit: hic suos proprios, ille Ecclesia  
 sticos astruit sensus. Et ideo Catholici Magistri doctrina, ad  
 Deum reuelantem, & Spiritum sanctum interpretantem,  
 enarrantemq; ac suggerentem refertur. Hereticus diuina qui-  
 dem verba adfert, sed suum sensum. Et verbis quidem diui-  
 nis summa & prima fides habenda est, sed illis tamen, quæ  
 procedunt de ore Dei, & quæ os Domini locutum est. Quod

autem

autem hoc ipsum os diuinum sit, in Symbolo profiteamur omnes: sed & ipsi profitentur nobiscum, si modo se intelligere et exaudire velint: etsi non pertinacia & malicia nonnunquam vincantur. Qui locutus est, inquit, per Prophetas. Et Vnam, Sanctam, Catholicam, & Apostolicam Ecclesiam. Ecclesie Dei promissus est Spiritus sanctus: vnus igitur sibi non sumat, quod omnium est. Et idcirco hereses semper vno pede claudicant: Catholica fides, vtriusque pedis stabilis firmatur gressu. Catholica fides, eternam & increatam veritatem sequitur, quae omnium est, haeresis secundum Deum, vel vna cum Deo, suos sensus & iudicia, duo insidiosissima idola colunt & adorant. Et proinde palpant tenebras Aegyptij. Cum de populo Dei Scriptura dicit: Vbiunque Israel erat, ibi lux erat. Sed quae tandem causa eius, de qua supra dictum est, calumniae? Non alia certe quam illa, de qua quondam questus est Ieremias: Sed & lamiae nudauerunt mammillas, lactauerunt catulos suos filia populi mei, crudelis tanquam struthio in desertis. Lamiae, inquit, monstruosa ac crudelissima, tantum humanitatis, tantum charitatis habent, ut eos catulos, qui ex eis progeniti sunt, lactent, ut his, quos illis Deus & natura commendauit, nudent vbera sua. Filiae autem populi mei, Sacerdotes & Pontifices, ex quorum ore fontes doctrina irrigandis populis profluere debebant, struthionis instar sunt crudeles; quem nulla pietas, nulla suorum mouet caritas. Sic nostris infelicissimis temporibus, Lamiae quidem haeticorum humanam faciem habentes, sed beluina per impietatem corda gerentes, nudauerunt mammillas, lactauerunt varijs erroribus ca-

Exodi 10.

Thren: 4.



tilios suos. Pastores autem, atque Doctores Ecclesie, crudeles  
 tanquam struthio, quibus nullum vilis videtur officij ge-  
 nus, hoc ipso verbi diuini predicationis munere, & quod  
 omnem excedit inhumanitatem, non solum ipsi non laetant  
 cunulos suos, sed nec nutritices quidem ipsas, id est Parochos,  
 ac reliquos inferiores Ecclesie ministros, hoc officij genere se-  
 rio perfungi patiuntur, dum vel eos huic muneri praeferunt,  
 qui ipsi rationem vite suae ignorant, vel alijs negocijs longe  
 diuersis & pugnantibus impediunt. Atque Paulus necessita-  
 tem euangelisandi sibi incumbere clamat. *Uae enim, inquit,*  
*mihi, si non euangelisauero.* Et si purpuratus, et si deauratus  
 incedis, inquit Bernardus, non est tamen quod hor-  
 reas operam curamque pastorem Pastoris haberes; non  
 est quod erubescas Euangelium Pastorem re populo  
 huic aut nega, aut exhibe. Quis mihi det, antequam  
 moriar, videre Ecclesiam Dei, sicut in diebus antiquis,  
 quando Apostoli laxabant retia in capturam: non in  
 capturam auri & argenti; sed in capturam animarum.  
 Quam cupio vos, Episcopes compellat, eorum heredi-  
 tate vocem quorum adepti estis sedem. Venerunt filij  
 usque ad partum, ait Propheta, & vires non habet par-  
 tariens. Verum & hac quidem, hactenus.

— Accepto demum nouus Pontifex a suo Consecratore, ac re-  
 liquis assistentibus, osculo pacis, de quo paulo post nobis di-  
 cendum erit, recedit ab Altari, ac deinceps eo tempore, quo  
 populus Christianus dona & munera ad altare Dei, more  
 Veteris, eoq. laudatissimo, adferre solet: ipse quoque suo Con-  
 secratori, tanquam spirituali patri, munera offeri. Sunt au-

1. Cor. 9.

Li. 2 de consi-  
deratione.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

1. Cor. 9.

tem ea ex antiquissima Melchiadis Pontificis institutione panis & vinū, quibus duæ ante feruntur faces. Offerre panem & vinum; vel ut ostendat se in eius Sacerdotis functionem & munus succedere, cui sine omni in futurum penitentiā iuravit Dominus, eum esse Sacerdotem secundum ordinem Malchisedech: vel, ut quidem ego indico, ad designandā paupertatem Episcoporum primitivæ illius Ecclesiæ, in qua summæ opes, summæ divitiæ, panis & vinum fuerunt. Datur autem hæc munera clara luce, & amplius duabus facibus accen- s, ne quid inter hæc levia munera speciosus colorē, pondere preciosius (scitis quid intelligam) subrepat ac subijciatur. Malè enim agitur, cū ea quæ virtuti & pietati debentur, asino onusto auro conferuntur.

Assumitur demum sacer Antistes à suis collegis, in communionem & participationem orationis, ac mysticæ mensæ. Ac ut quondam Elias quadraginta dierum & noctium ad montem vsque Oreb Dei visionis, iter emensurus, cælitus de- lato communitur viatico: Sic iste contra omnia prolixæ & difficillimi itineris pericula, contra omnes visibilibus, & qui videri non possunt inimicorum insidias, contra principes & potestates tenebrarum mundi huius, confirmatur & roboratur panē illo, qui de cælo descendit: quem qui digne manducat, non moritur, sed habet vitam æternam. Super quem panem, iuxta Esaiam, requievit Spiritus Domini, spiritus sapientiæ & intellectus, spiritus consilij & fortitudinis, spiritus scientiæ & pietatis: & replevit eum spiritus timoris Domini. Quorum donorum participes efficiuntur cæs illi, qui digne et religiose tæto reficiuntur viatico.

Cælesti.

Psalm. 109.

3. Reg. 19.

Ephes. 6:

Ioan. 6.

Esaiæ 11.

*Cælesti mysterio reſectus, armatur demum ille, cui cum*  
*Psalm. 90. Aspide & Basilisco, cum rugiente Leone & Dracone, con-*  
*1. Pet. 5. grediendum est; cui cum portis ipsis inferi pugna instat*  
*cui omnium necesse est ferre tentationes. Necubi nudo quis*  
*Matth. 16. aut neglecto loco deprenso, letale vulnus adferat. Nam et*  
*si ego larens in caverna, dicit Bernardus, & quasi sub*  
*modio non quidem lucens, sed fumigans, ventorum*  
*tamen imperus nec sic quidem declinare sufficio; quid*  
*positus supra montem, positus supra candelarum pa-*  
*tietur? Imponitur igitur capiti eius sacra Cydaris, bicor-*  
*nisq; galea, cum Patris omnipotentis inuocationes cuius pra-*  
*elara est bonitas, & virtus immensa, totiusque decoris or-*  
*namentum.*

*Imponimus, inquit diuinus Hierarcha, capiti huius An-*  
*tistitis & agonistæ tui, galeam munitionis & salutis;*  
*quatenus decorata facie, & armato capite, non gene-*  
*ris & profapia vetustate, non stipatorum vi & arma-*  
*ta manu, non magnis necessitatibus & clientelis, sed*  
*cornibus veriusq; testamenti terribilis appareat aduer-*  
*Exod. 34. sarijs veritatis: & te ei largiente gratiam, impugnator*  
*eorum robustus existat. Qui Moyſi famuli tui faciem, ex*  
*tui sermonis consortio decoratam, lucidissimis clari-*  
*Exodi 28. tatis ac veritatis cornibus insignisti, & capit Aron Pō-*  
*tificis tui Tyram imponi iusti. Tali armatura instrue-*  
*bantur primi religionis nostræ duces, & Antistites; hacq;*  
*H. br. 11. deuicerunt regna, obturauerunt ora leonum extinxerunt im-*  
*petum ignis, effugauerunt aciem gladij, conualuerunt de*  
*infirmirate, fortes facti sunt in bello, castra verterunt ex-*

terrorum. His cornibus armatus PEIrus Neroni Liberi-  
 us Constantio Ambrosius Teodosio, Basilius Va. eti. Chry-  
 sostomus Acadio, Leo Genserico atq. Atila, noster Stanis-  
 laus Boleslaus, alijq. alijs quàm plurimi restiterunt, terribilesq.  
 apparuerunt. His cornibus Ariana, Macedoniana, Nestoria-  
 na, Diosc. ri, Eutichetis, ac reliquorum monstrorū dissipa-  
 ta est impietas; his omnis hereticorum paucitas cessit. Vo-  
 bis amplissimi Patres, nimis hac cornua obtusa & attrita  
 redita sunt. Quae enim & tranquillitatem nostram curamus; cae-  
 lum ruiturū existimamus, si quid liberius pro Ecclesia Dei  
 dixerimus aut fecerimus. Nimis timidi sumus, nimis ocio  
 & desidia torpemus. Et eo quide temporē, inquit Chryso-  
 stomus, quo aura serena est & lucida, quo pasqua li-  
 bera & quieta, quo nulli luporum impecus & infidiae  
 greges vexāt, licet fortasse Pastori se prouoluere sub patu-  
 la arboris umbra fistula dulce canere: At ubi imbres & tē-  
 pestates insurgūt ubi oues dissipātur ubi lupus ad praesidia  
 adest; tū pastor umbram deserat oportet, tum pro tripudio  
 & choro cursum, pro fistula & tibia fundū & baculū ar-  
 ripiat, oportet. Et fuit quidem quoddam tēpus. cū magna  
 erat Ecclesiae Dei pax magna quies; rerūq. omnium secu-  
 dissimus afflatus; tum fortasse licuit multis ocioso esse, su-  
 isq. voluptatibus & quiete perfrui, suis lucris comodis incu-  
 bare: Nunc tēpestas adest, sumosq. feriunt fulmina mōtes:  
 nunc praesentia nanfragia ubiq. ante oculos versatur nostros  
 nūc dura bella et cōflictus imminenti; nūc alia est rō omnium  
 rerū. Excutiendus est iste sopor; voluptates reiicienda: ad ar-  
 ma, ad gubernacula vobis recurēdū priusq. extremū naufra-  
 giū vos, gregesq. vestras absorbet. Virtus. n. in pace acquiritur

in pressura probatur, in victoria coronatur. Neque illorum  
temporum exemplis abutendum, neque illi homines nimis  
molles & delicati imitandi, quod plerique vestrum faciunt:  
sed illi potius primi fortissimi ac insuperabiles viri, Patres  
& fundatores vestri, qui omnia humana & diuina excel-  
lenti animi virtute superarunt; qui nulla humana volupta-  
te & recreatione usi sunt; qui omnia mundi huius sicut ster-  
cora existimarunt, ut Christum lucrifacerent; qui solas has  
voluptates atque delicias censebant, nempe à voluptatibus  
& delicijs abhorrere: Quorum vita fuit, ut Paulus docet,  
in multa patientia, in tribulationibus, in necessitati-  
bus, in angustijs, in plagis, in carceribus, in labore &  
ærumna, in vigilijs multis, in fame & siti, in ieiunijs  
multis, in frigore & nuditate; in itineribus sæpè; peri-  
culis fluminum, periculis latronum, periculis ex ge-  
nere, periculis ex gentibus, periculis in ciuitate, peri-  
culis in solitudine, periculis in mari, periculis in falsis  
fratribus. Per gloriam & ignobilitatem, per infamiam &  
bonam famam. Ut seductores, & veraces:  
quasi purgamenta mundi huius existimati, ludibria &  
verbera experti: lapidati sunt, secti sunt, tentati sunt,  
in occisione gladij mortui sunt. Circuierunt in melo-  
ris, in pellibus caprinis, egentes, angustii, afflicti;  
in solitudinibus errantes, in montibus, & spelun-  
cis, & cauernis terræ; quibus dignus non erat  
mundus. Tradiderunt corpora sua ad supplicia, & laue-  
stolas suas in sanguine agni, & ideo receperunt palmas, &  
ideo sempiterno cælo cū duce & imperatore suo Christo frui-  
tur.

tur: & ideo nomina eorum scripta sunt in libro vite: & ideo memoria eorum ex ore hominum non peribit in sempiternum. *Apoc. 20.* Hi vobis potius tali tempore, his periculis imitandi sunt, & moribus exprimendi, quam dissoluti & enervati illicui et ipsi, si vigilantiores atque diligentiores suis temporibus esse voluissent, & Ecclesie Deimelius cōsuluisent, & officio suo conuenientius functi fuissent, & vobis pinguiore ac vberiore hereditatem damini reliquissent sed & exēplum sanctius, Nam honores isti vestri atque summae dignitates, mediae quaedam res natura sua sunt. Si enim praestanti virtute & vite innocentia queruntur, si maximus vigilijs & laboribus sustententur, si incredibili fructu & utilitate eorum quibus praesentis obsequantur, res quaedam magnificae & illustres putandae sunt; & quae plurimum decus atque commendationem illis, in quos conferuntur, adferre solent: Sin verò dolo & fraude inuaduntur, vel quod fastidiosius est, si pecunia comparantur, si per luxum & desidiam produntur, potius quam geruntur, si aliqua infelici calamitate, ac publicae salutis ruina, concluduntur, tum in istis amplissimis nominibus honoris non modo dignitas nulla erit, sed erit etiam summa deformitas. Nam & virtutis vniuersae, & iudicij, omnem opinionem evertunt. Quomodo enim ille vir bonus, qui ut suam qualemcunque astruat gloriolam, publicam salutem in summum discrimen adducere non dubitat? Quomodo recto iudicio praeditas, qui neque seipsum nouit, neque illud discernere potest, veram laudem & gloriam, non tam ex honoribus & dignitatibus pendere, quam ex earum recta & salutari administratione: & qui non cernit se honoris



Vocabula, non dignitatis insignia consecutum esse: & qui ex  
 ee laudem querit, quod non illi, sed pecunie suae collatum  
 est. Nam et in militia praeclarum quidem est Ducem exer  
 citus creari, turmas & legiones ducere; sed si id virtute tua  
 consequaris, si strenue cum hoste dimices, si praeclaram ali  
 quam victoriam Respub. pariat: sin aliter quando plures per  
 dideris, tanto illustriora, ad omnem posteritatem excitabis  
 infamiae tuae trophaea. Magna dico, sed & in parvis hoc idē  
 Videre licet. In Comœdia vel Tragœdia pulchrum quidem est  
 Priami Regis, aut Agamēnonis, aut Aiakis personam su  
 stinere; sed si Priami imperio dignam speciem geras, si la  
 certis firmus sis, si Voce valeas; si nihil horum longē hone  
 stiūs & pulchrius est cum decore, vel Thersitis, vel Dauis,  
 aut Getæ cuiusquam personam sustinere, quā cum tur  
 pitudine & dedecore Heroas ac semideos representare, mise  
 rabilisq; potius quā suspiciendus apparere. Histrio hac  
 in fabula videbit, Episcopus Sacerdos in summa salutis  
 suae, ac tot populorum incolumitate, non videt? Quae si  
 maiores nostri apud se diligentius perpendissent, nunquam  
 profectō in eos scopulos atque pericula, rem Christianam ad  
 duxissent; & ipsi longē nobilius nomen & gloriam post se  
 reliquissent. Nunc alia tempora, alios postulant mores.  
 Stultum & insanum est in procella & turbulento ma  
 ri molliter cubare velle. Quieto mari, inquit Grego  
 rius, recte nauem etiam negligens, & imperitus  
 nauta dirigit: turbato autem tempestatis fluctibus,  
 etiam peritus & vigilans nauta se confundit.  
 Neque tamen animo desiciendum est, neque tamen ma  
 lis

lis cedendum, ac veluti desperata salute, clauus & gubernacula dimittenda: Nondum enim ad sanguinem vsque Hebr. 12.  
ipsum restitimus. Non est vir fortis, cui non crescit animus in ipsa rerum difficultate. Maior est ille qui in nobis est, quàm aduersus nos. Confidite, dicit ille mundum, & Ioan. 16.  
nos vincemus.

In quo studio & conatu, cùm nihil magis cauendum fugiendumq; sit, quàm studium vanæ & inanis gloriæ, ne quid ambitiosè, ne quid humana laudis causa fiat. Nihil Epist. 126  
enim tam in glorium dicebat Bernardus, quàm Episcopum gloriæ cupidum depræhendi. Per multi autem inueniuntur ad ea, quæ pietatis & religionis sunt prompti exercenda, sed sola honoris cupiditate ducuntur: Vbi autem eorum pietas arbitris caret, ibi quoque rectè merendi languescit alacritas. Stultissimus utique mulierculis, dicit Insunere pa-  
Nazianzenus, haud dissimiles, quæ natura pulchritudine carentes, ad colores confugiunt, theatriceq; tris sui.  
sic loquar, comptæ atque ornatae sunt; ob venustatem inuenustæ, ob affectatam formam deformes. Et hoc Quarta par-  
est, inquit Gregorius, quod dicit scriptura: Tradidit in captiuitatem virtutem eorum, & pulchritudinem eorum te pastoralis.  
in manus inimici. In captiuitatem etenim virtus, & pulchritudo in manus inimici traditur, dum alterius iudicis, Psal. 77.  
quàm Dei testimentum, quærit: fouea est mentis, memoria propriæ virtutis. Dū. n. se apud se erigit, apud humilitatis auctorem cadit. Exciderat Regio Propheta paulo liberius verbum; ego dixi in abundantia mea, non mouebor in eternum: et statim dānū sēnt; Auertisti faciem tuā à me, & factus sum conturbatus. Psal. 29.

*Quam enim virtutem proprius oculus videt, Dei non videt. In quo visio declinando eò magis nos circumspectos esse oportet, quòd hoc malum ultimo sapientem deserat: hoc vestimentum dicebat Plato esse, quod postremum anima sapientis deponit. Ideò velantur manus operarij novis integumentis, ne aut sibiipse, aut hominibus placere velit. Ut ante interni indicis oculos omnia virtutum bona ex charitate decorentur, & cuncta quæ coram hominibus rutilant, hæc in eò spectu occulti arbitri flamma intimi amoris accendat: ut in omnibus esse exemplo & instituto Apostoli honorificemus ministerium nostrum, non nos ipsos: aut potius honorificando ministerium nostrum, nos ipsos honorificemus. Honorificabimus aut, inquit Bernardus, non cultu vestitum, non eorum fastu, non amplis ædificijs: sed gravitate morum, maturitate consiliorum, actuum honestate, studijs spiritualibus, operibus bonis. Si enim mundo placeamus, cur Sacerdotes? Si Deo, cur qualis populus, talis Sacerdos? Deus dissipabit ossa eorum: qui hominibus placent, confusi sunt, quoniam Dominus spreuit eos. Fidelis Pontifex, qui bona quælibet per manus suas transeuntia, siue divina beneficia ad homines, siue hominum vota ad Deum columbino intuens oculo, nihil sibi referuat ex omnibus. Quo puritatis intimæ bono gloriari non potest veraciter, nisi qui extrinsecus perfectè gloriolas omnes respuerit. Nec enim tutum arbitratur, labijs hominum committete gloriam suam, arcæ vtique sine clauē & sine fera, nulliq; omnino clausæ nocere volenti, non tutum omnino*

*sed*

sed stultum ibi thesaurum recondere, vnde nō valeas resumere cū volueris, sanum vas & inconcussū conscientia, & secretis seruandis idoneum, nullis patens insidiis, nulli violentiæ cedens: adest viuo, mortuum sequitur. Vbi mihi gloria, vel confusio perpetua, pro ratione depositi. Quin ne ex toto quidem, vel ipsi conscientia mea credo; quippè cū ne ipsa quidem me queat comprehendere totum, propter quod Ieremias fidenter loquebatur Deo: Diem homi- Hier. 17. nis non concupiui, tu scis solus; meritò constitutus est iudex viuorū & mortuorum qui finxit singulatim corda vniuersorum, & intelligit omnia opera eorum. Solum attendo iudicem, quem solum iustificatorem agnosco. Sit gloria in excelsis Deo, & in terra pax hominibus. De vultu tali iudicium meum prodeat oportet: cui insit amor, error absit & perturbatio. *Summi igitur Parentis auxilium imploratur, vt circumdare velit manus ministri sui mundicia noui hominis, qui de cælo descendit. Vt quemadmodum Iacob dilectus Domino, pel-* Gene. 27. *liceis hædorum coopertis manibus, paternam benedictionem, oblato patri cibo potuq; gratissimo, impetravit: sic & iste oblata per manus suas hostia, salutarem gratiæ illius benedictionem impetratione mereatur.*

*Collocatur deinceps Episcopus, hoc est inspector omnium, in editiore supra omnes loco, inquit Ambrosius, vt ita cunctos respiciat, & cunctorum oculi in eum respiciant. Quid in locetur in eminenti, ait Bernardus, vnde prospectet om-*

*De Dignitate Sacerdotis li Cap. 6.*

nia qui speculator super omnia constituitur? Collocatur in se de Iesu Christi homo mortalis. qui aliquando iudicium & sententiam, vel aeternae suae salutis, vel perpetuae damnationis, ex eodem loco prout eundem tutatus fuerit, reportaturus est. Collocatur in solio illius, cuius sedes Throni sunt, mētes tranquillissimae & placidissimae pace perenni, quae exuperat omnem intellectum, perpetuo fruētes. In quem desiderant & Angeli prospicere; cui omnes Patriarchae seruiunt, cui omnes Prophetae testimonium traddiderunt; cuius pedum vel ipsum corrigium calciamenti qui soluat, indignum se iudicat ille, quo nullus maior extitit inter natos mulierum.

Lib. 2. de consideratione.

Cuius loci consideratio, inquit Bernardus, facit honorem contemptorem in honore etiam ipso. In alto positum, non altum sapere difficile est, & omnino inusitatum; sed quanto inusitatus, tanto gloriosius: timor de adepta iam altitudine, tardere magis facit, quam placere ipsam altitudinem, Nulla splendidior gemma in omni praecipue ornatu Pontificis, ipsa humilitate; quod enim celsior ceteris, eo humilitate apparet illustrior, & seipsum, Blanditur Cathedra, specula est, non domus qui eleuauit, deicere potest. Consideras gradum, & casum metue: consideras fastigium dignitatis, & uide faciem abyssi deorsum. Occupare enim locum, & non facere fructum, nec loco expedit, nec personae. Haec quidem haecenus diuinitus Bernardus. Quanta igitur vitae caelestis integritate, innocentia, continentia, equitate, moderatione, constantia, patientia; quanto impetu mentis ad sempiternam gloriam, ac reliquas virtutes, vita sanctissima,

Epist. 237.

Etissima, & meritis probatissimis, & studio diuinæ virtu-  
 tis ac charitatis ardentissimo, ad hunc ipsum primum nup-  
 tiarum accubitus tuendum & exornandum opus sit, ipsi  
 videtis; quàm candida & illustri veste, vt par dignitati &  
 loco virtus adferatur. Simia in tecto, Rex fatuus in folio se-  
 dens; monstrosa res, gradus summus, & animus infimus, in-  
 gens auctoritas, & nutans stabilitas. Prouidendum igitur,  
 monet Gregorius, quatenus & honore suppresso æ-  
 quales nos subditis benè viventibus putemus, & erga  
 peruersos iura reſtitutionis exercere non formidemus:  
 nec præſſe nos hominibus gaudeamus, sed prodeſſe,  
 Summus enim locus ita benè regitur, cùm is qui præ-  
 est vitijs dotiùs, quàm hominibus dominatur: ita ta-  
 men, vt in corde ſeruetur humilitas, & in opere disci-  
 plina; vt eos quos corrigimus, tacita nonnunquam co-  
 gitatione nobis ipsis præferamus: ſic iura disciplinæ ex-  
 erceantur contra delinquentes, vt pietatis viſcera nō  
 amittantur: ſit amor, ſed non emolliens; ſit rigor,  
 ſed non exasperans; ſit zelus, ſed non immoderate  
 ſæuiens; ſit pietas, ſed non plusquam expedit par-  
 cens, vt in arce regiminis iuſtitia clementiæ per-  
 miſceatur: nam ſecta immaturè vulnera deteriùs in-  
 ferueſcunt; & niſi cum tempore medicamenta con-  
 ueniant, conſtat quod medendi officium amittunt:  
 vt non de ſubditis creſcamus, ſed ipsi de nobis. Prin-  
 cipem enim te conſtituerunt, ſed ſibi, non tibi.

Secunda par-  
 te paſtoralis  
 Cap. 6.

Vt in omnibus illud quod monet Bernardus, diligenter ex- *Epistola. 84.*  
 pendatur, quid liceat, quid deceat, quid expediat. Plus er-



ga corrigendos, docet sanctus Leo, agat beneuolentia, quàm seueritas: plus cohortatio, quàm commotio: plus charitas, quàm potestas. *His legibus hoc tantum tueretur & exornatur solum: his ipse solij Princeps & Dominus Iesus Christus usus est. Ad cuius loci dignam administrationem, magnificè cohortatur Pontifices Nicolaus primus. Episcopi estis, exurgentia in Ecclesia Christi horrenda pericula prouidete: speculatores estis, in altam mentis arcem conscendite, & in gregem dominicum feram pessimam irruere cupientem, à longè contemplamini. Quasi tuba exaltate vocem vestram, & annunciate populo Dei scelera eorum: super montem excelsum; id est, altitudinem virtutum ascendite. Qui euangelisatis Syon, stete in fortitudine: potestatibus huius sæculi, ex aduerso, ascendite. Ne veniat paterfamilias, & iubeat vos dare eum locum digniori, ne pro omnis aequitatis & honestatis Antistitibus, nequitia præsidere videamus.*

*In Epistola ad Episcopos constantinopolitanæ & sedis subiacentes.*

*Lucæ 14.*

*Sic igitur collocato Pastore in sua sede, pro rumpit vniuersa Ecclesia in laudes & cōfessionem omnipotentis Dei, in quas omnis humana actio & institutum, meritò desinere debet. Ducitur per templum nouus Antistes, vt omnibus innotescat, commendatur summo Pastori, & rectori omnium Deo: Vt quem Ecclesiæ suæ Pastorem prælesse voluit, propitius respiciat: det illi verbo & exemplo, proficere, & ad vitam, vnà cum grege sibi commissio, sempiternam peruenire. Quantumlibet enim fuerit peritus gubernandi, inquit Chrysostomus, nisi inter*

*Sermone primo ad Titum.*

*hu-*

huiuscemodi gubernacula gratiam habeat , & pacem  
quæ à Deo est : & nauiculam simul , & nauigantes pro  
cella inuoluet , mergetq; profundo.

Pleno vestitu nuptiali ornatus & decoratus nouus Præ-  
sul , benedicit populo , ac dimittit Ecclesiam . Pleni amore et  
spiritu diuini Antistites , in mutuas salutationes , in mutua  
oscula , in mutuos amplexus effunduntur , mutuam sibi pacē  
tradentes & accipientes .

Preceatur sacer consecrator nouo Prasuli , tanquam ger-  
mano filio suo , in omni cura ac solitudine subiecti sibi gre-  
gis , omnes saluatores & optatos successus : Preceatur nouus  
Pontifex consecratori suo , quem in patris loco vetustissimis  
institutiis , per omnem vitam habere ac venerari iubetur , ter  
elata voce , multos felices & prosperos annos . Quem ritum In eodem Ca  
τιλεωτικῶν ἡ τ' παύλου . hoc autem est , Sacerdotalis perfectionis pite 5.

salutationem , & complexum , sacer vocat Dionysius : quam  
hoc modo explicat . Nam & omnes , inquit , qui adlunt ,  
sacrorum ordinum homines , & Pontifex ipse qui cō-  
secrauit , eum qui consecratus est salutant , Cum enim  
sancta mens scientia , vique Pontificis , & diuina voca-  
tione atque sanctimonia , ad Ecclesiastici ordinis con-  
secrationemq; peruenit , tum charus est paribus san-  
ctissimisq; ordinibus ; & ad pulchritudinem diuinæ si-  
milem perductus , mentes similes amat , atque ab eis  
sanctæ redamatur . Hinc consalutatio illa inter Eccle-  
siastici ordinis homines seruatur & perficitur , quæ san-  
ctam parium similitudinēq; mentium societatem indicat ,  
lætitiarūq; mutuam , quæ amore digna est , quippe quæ  
diui-

studiosos & cultores esse dicant, ab his pulcherrimis & vetustissimis ritibus disceſſerunt? Cur nihil earum rerum, in designatione suorum Pastorum, faciunt? cur sine examine Doctores, sine Sacerdotalis manus impositione, Pontifices, sine unctione, Sacerdotes, sine missionē, Apostolos; sine ritu sacro, sacrarij ministros esse velint? An hæc sacrosancta non sunt? an non ex antiquissima & Apostolica traditione profluxerunt? an non diuinis Scripturis consentanea? an non munus & officium eius qui consecratur, re ipsa potius quàm verbis exprimentia, ac ob oculos planè ponentia? Cum segius irritant, ut summus dixit Poeta, animos demissa per aures, quàm quæ sunt oculis subiecta fidelibus. Deinde, quæ causa fuit, cur homines quidem probatos, legitima vocatione in amplissima dignitate constitutos, tam sacro ritu consecratos repudiarunt? erronei autem quosdam, sine vocatione, sine examine, sine sacramento, sine lare denique ac foco secuti sunt, aut quam tandem iustam causam, in illo acri & perspicaci iudicio Dei, eius suæ rebellionis & iemeritatis reddituri sunt? Sacra Scriptura, inquit, nituntur; verum Dei verbum docent. Quo teste, aut iudice? Num de cælo vox delapsa est à magnifica gloria, quæ eos audiendos esse iubeat? num multis & varijs signis & portentis sua confirmarunt? num admirabili consensu & concordia vigent? num vitæ quadam diuina & cælesti sanctitate et integritate illustres sunt? nū doctrinā quandā eximiam, quæ omnē veterum eruditionem longis passibus post se relinquat, ad-

erunt? num salutarem profectum vite & doctrine, in dies maiorem ac maiorem ostendunt? nihil certe horum. Quid sit euersum, videmur: quid sit extructum, non videmus: quid extirpatum sit, sentimus; quid satum, nondum perspicimus: nisi fortasse pro fide ac religione, perfidiam; pro Euangelij Veritate, flagitia; pro pace & charitate, intestina bella, ac in omnes bonos acerbum odium: pro modestia, superbiam; pro libertate & moderatione, licentiam; pro castitate, libidinis indomitum laxamentum; pro tranquillitate, saeuam tempestatem; pro obedientia, legitimi imperij contemptum: pro diuini amoris studio, rerum sacrarum, quae amorem diuinum excitabant, exitium orbi Christiano inuexerunt. Atqui dices; eos nihil aliud profiteri, quam se purum Verbum Dei docere, sacraque Scriptura niti. Porro verbis, quicquid libet non satis est affirmare, exempla diuina virtutis, non voces inanēs, requirimus: neque satis est verbo tantum affirmare, vt id continuò credendum sit, non audio verba, sed opus attendo. Quis hoc idem ex veteribus hereticis, quis ex nostris, professus non est? Atqui dicit Veritas ipsa. Si ego testimonium perhibeo de me ipso, testimonium meum non est verum: alius est qui in testimonium perhibet de me, & scio quia verum est testimonium eius quod perhibet de me. Veritatis testimonium, si ipsa de se testetur, non erit verum: hominis natura mendacis & errori obnoxij, pro seipso in priuata causa, testimonium accipiemus? Nos, inquam, & Vita & doctrina suae, locupletes habent testes.

Ioan. 8.

1<sup>a</sup> Cor. 13.

Epistola 75. Atqui docet magnus Basilius, Oportere pari saltem facultate instructum esse illum, qui de alicuius doctrina,

aut

aut scriptis iudicaturus est, qua ille ipse, qui docet aut scribit, præditus fit. Nam & de opere rustico nemo potest rectè iudicare, nisi Agricola; & de recto & suauis concentu, nisi Musicus. Doctrinæ autem quomodo erit ille iudex, qui neque præceptorem suum monstrare potest, neque tempus quo discebat? Multum autem opus esse elaborare, & multas insomnes noctes ducere, multasque lachrymas ad Deum profundere, illum, qui veritatem quærit; quicquid eius causa unitatem fraternam aliquo modo perturbare velit, docet idem Basilius. *Nimis ludimus in rebus maxime serijs, cum iactura salutis & felicitatis nostræ, omnium autem rerum humanarum extrema perturbatione.* Sint testes, ait idem Basilius, oculi iustorum, & aspectus virorum perfectorum, qui illud liberè ac verissimè dicere possint: Plura quàm vos novimus, atque internis viciorum spinis non tantopere suffocamur; neque paucis ornamentis multiplicem maliciam admiscuimus; quales nostra ætas, vel nullos, vel paucissimos cum ferat, veteris sæculum nobis est appellandum, veteris sæculi iudicijs utendum. *Deinde Reges atque Principes, omnesque illi, penes quos conferendarum tantarum dignitatum & munerum summa testimonij est, mihi sunt commonendi, eam legem Dei esse, Vt si steterit testis mendax contra hominem, accusans eum prævaricationis: stabunt ambo quorum causa est, ante Dominum, in conspectu sacerdotum & iudicum, in diebus illis: cumque diligenter*

ibidem.

Epi. 86. 87.

Deuter. 19.

gentissimè persecutus inuenerit fallum, testem dixisse contra fratrem suum mendacium, reddent ei sicut fratri suo facere cogitauit, & auferes malum de medio tui: vt audientes cœteri timorem habeant: & ne quisquam audeat talia facere. Non misereberis eius. Quod sancti illius hominis pecunia, aut vite periculo, testis iniquus tam abominabilis est coram Domino, tantisq; plagis vapulat: quid in salute sponsæ & corporis Iesu Christi Ecclesiæ sanctæ, pro qua ille seipsum tradidet, crucemque ac mortem acerbissimam sustulit? Quid in periculo æternæ salutis, vel interitus tot animarum, si quis aut per negligentiam, aut per beneuolentiam, aut per fœdissimum quæstum mentitus fuerit; ac pro Sacerdote mercenarium, pro Pontifice lupum, pro Pastore furem & latronem, testimonio suo Ecclesiæ Dei præfecerit? quibus, & quantis hic ipse plagis obnoxius erit? Non est enim hoc consulere populis, inquit sanctus LEO, sed nocere, nec præstare regimen, sed augere discrimen. Integritas enim præsidium, salus est subditorum. Et difficile est vt bono peragantur exitu, quæ malo inclinata sunt principio. Recenset Auerni pœnas Latinus Poeta, quas inferentes Orei præsides, exprobrant noxijs: Vendidit hic patriam auro, dominumq; potentem impsoiuit. Quanto iustius, & tum maiore horrore id dicetur: Vendidit hic Ecclesiam auro, Pastoremq; negligentem imposuit, nequissimo quæstu. Omnium damnationis causam & pœnam sustinebit ille, qui malum pastorem & præfectum dedit. Qui enim cordi vulnus intulit, totum læsit corpus. *Langue*

Epi. 87.



corde, in cassum membra vigent. Frustra miles contendit, si ab ipso militia duce erratur. Tôtius familiae domini status & ordo nutabit, ait sanctus Leo, si, quod requiritur in corpore, non inuenietur in capite. Et quid est *Epistola 87.* communicare peccatis alienis, nisi talem effici eum, qui eligit, qualis ille est; qui non meruit ordinari? Sicut autem boni operis sibi comparat fructum, qui rectum seruat in eligendo Sacerdote iudicium; ita gravi semetipsum afficit damno, qui ad summum dignitatis subleuat indignum. Qui cui potestatem facit, volenti Ecclesiam corrumpere, is certé author fuerit eorum omnium, quæ perdita illius audacia turbauerit.

Et ea quidem mala quæ nos diuexant, molestissima nobis sunt: hæc ipsa religionis Christianæ in multas partes facta dilaceratio; hæc omnium rerum, tam diuinarum, quam humanarum, summa perturbatio; hic ipse legum, magistratum, iudiciorumq; contemptus; hæc inobedientia; atq; omnis veteris discipline dissolutio; prauis & corruptis mores, disfeordie, bella factiones, tumultus; si autem causas & origines earum rerum diligenter expendimus, ipsimet tantorum malorum fabri & auctores sumus: dum queros viris, laicos Sacerdotibus, profanos religiosi; ignaros doctrinæ, impuros, & omni scelere à prima sua ætate imbutos, rebus sacris ac hominum expiandis viris, leuis nonnunquam comædij causa præsumimus; quæ postea nequoquam magnò, si fieri possit, redimere vellemus. Sed & populus Christianus nobis compellendus est: Num ita Pastoribus suis, ut par est iuxta præceptum Pauli, uti Christo Domino, pareat. Nū sine volun-

tate & auctoritate eorum, nihil agas? num debitum hono-  
 & reuerentiam, illis tribuas? num decimas & primitias  
 laborum suorum, magna cum letitia & hilaritate, uti præ-  
 cepit Dominus illis reddat? num eos, tanquam parentes,  
 ames & reueretur? num maiorum suorum legibus & in-  
 stitutis obtemperet? qui grani multa eos puniunt; qui præ-  
 sente Archiepiscopo aut Episcopo, vel impurum aliquod ver-  
 bum protulerit, vel minus moderatè se gesserit, an officium  
 præstare se Deo, cum Iudeis atque fœdissimis Tyrannis ar-  
 bitratur, siquid contra honorem; sanctitatem & auctori-  
 tem eorum dixerit, aut sanxerit? si in aliqua parte eorum  
 fortunas atque dignitatem læserit: siquid ex eorum possessio-  
 nibus per sacrilegium auerterit, an filij sunt Belial, filij sine  
 iugo: ut spreto Samuele Deum spernant, & tradantur in  
 manus Regis Babylonis, ut discant distantiam seruitutis  
 Dei, à seruitute Regis terrarum?

Vos deinceps sanctissimi Antistites compello; num fi-  
 dem semel datam sanctè & intemeratè seruetis? num sa-  
 cerorum Symbolorum & mysteriorum puritatem, vitæ in-  
 nocentia & integritate representetis? num capita vestra, &  
 manus vestras, sacris unctionibus nitentes, puras & mun-  
 das ad Deum cæli pro saluto populi tendatis, ut sitis omniū  
 quidem bonorum exoratores, malorum autem auerfores?  
 num ascendistis ex aduersò, & opposuistis vos murum pro  
 domo Israel, ut fietis in prælio in die Domini? Num cum  
 fideli Mose id perfractiōe deiecti parietis domus Domini,  
 vitam & corpora vestra, murum pro salute populorum o-  
 bieciistis? Num in lege Domini meditemini die ac nocte, ea  
 discent-

Exech. 13.

Psalm.

discentes quæ alios doceatis? Praeconi enim officium suscipit, quisquis ad Sacerdotium accedit; ut ante aduentum iudicis qui terribiliter sequitur, ipse clamando gradiatur: si autem Legis diuinæ est ignarus, quam clamoris vocem daturus est præco mutus? Num opibus ad subleuationem pauperum, an ad luxum vel auaritiæ dignitate ad salutem & ornamentum populorum, an ad ambitionem & vnam gloriam? num potestate ad defensionem afflictorum, an oppressionem debiliū vsi estis? Vestris quidem fulcimine & presidio, alienis autem terrori & trepidationis ut ruant qui noxiæ stant, digni erigantur. Quod si facitis, merito ea virtute este, columna & firmamenta Ecclesie Dei: expectantes Principis Pastorum illam magnificam vocem: Euge serue bone & fidelis, quia super pauca fuisti fidelis, supra multa te constituā, intra in gaudiū Domini tui. Sin aliter, verendum est, ne malos male perdat, vineā autem suam locet alijs operarijs. Nā si is, inquit Chrysostomus, qui unā animā scandalizat, expedit ei, ut mola asinaria suspendatur circa collum eius, & demergatur in profundum maris: qui tot animas scandalizat, & vrbes integras, & plebes, viros, mulieres, pueros, ciues, rusticos, incolas suæ cuitatis aliarumq; urbium, quæ illi subiectæ sunt, quid pati merebitur? Nempè verò si plura triplo, quàm diximus, addas, nihil dicturus es, adeò vehementer poena atque cruciatus huiusmodi hominibus imminet. Nam si horremus, dum iudiciū id nobis subeundum est, in quo peccatorum propriorū rationē reddaturi sumus; ut qui sentiamus, nos ignem illū æternū.

Matt. 25.

Matt. 21.

In Epist. ad Titum,

Ser-

mone primo.

Chrysost. de

Sacerdotio

lib. 3.

effugere nequaquā posse: quid illi exp ectandū est, qui tam multorum nomine causas sit dicturus? Quod autē hoc verū sit, audi beatū Paulū seu potius nō Paulū, sed Christū Pauli ore loquentē: Parete ijs qui presunt vobis, & concedite: nā illi vigilant pro animis vestris, tan quā rationē redituri. Hiccinē exiguus tibi videtur cō-  
 minationis terror? equidē illū quātus sit, verbis expri-  
 mere nō possū. Maximē autē puniendi illi fuerint, qui post eū honorē studio atque ambitioē adeptū, vel per ignaviā, vel per maliciā, vel per imperitiā, re ipsa nō re-  
 ſte vruntur.

Hebr. 13

Chryso. 80. de  
Sacerdotio  
lib. 4.Libro 3. de  
cōsideratione  
In libro de ijs  
qui mysterijs  
institantur  
cap. 1.

Cantic. 6.

Epbes. 5.

Tu verò sancte Antistes, noua creatura Dei, diligēter te cir-  
 cūspice, quis fueris, et qui nūc sis. Quis in natura, ait Bernar-  
 dus, quis in persona; qualis in moribus, quæ subte, quæ  
 circa te, quæ supra te sunt: quid, cui, & apud quos pro-  
 miseris. Tenetur vox tua, dicit Ambrosius, non in tumu-  
 lo mortuorū, sed in libro viuētū: præsentib. Angelis lo-  
 cutus es, sed & ipso Christo. Cōsidera demū, cuius dignita-  
 tis, sanctitatis formæ atq; pulchritudinis, decoris itē et maie-  
 statis, sponsā acceperis: Vna est matri suæ, electa genitrici suæ;  
 ut aurora cōsurgēs; pulchra ut luna; electa ut sol, terribilis ut ca-  
 strorū acies ordinata: cui datū est, ut cooperiat se byssino splē-  
 dētē et cādido: quā lauit et sanctificauit spūsus eius, mudās eā  
 lauacro aquæ in verbo vitæ; et tradidit semetipsum pro ea, ut  
 exhiberet sibi gloriosā nū habētē maculā aut rugā, colūbā suā  
 perfectā suā: quā cādē maxima et p̄ciosa dote Corporis et Sā-  
 guinis suis, Sacramētōrū, hereditatis incorruptibilis et incōa-  
 minatæ, immarcescibilis conseruata in cælis, largē et prolixē  
 dona-

donauit: quā tot filiorū greges sanguine agni cōspersorū, vnde  
 que circūstāt. Qua igitur diligētia et cautiōe ea ipsa pulcherri-  
 ma mulierū tibi custodiēda erit, vt eā reddas sanctā et ima-  
 culatā Spōso suo iudici futuro; aut pro qualī tibi deposito cau- Epistola 87.  
 sa dicēda, ratioq; reddenda erit? Cogita itē, quēsit ista tua to-  
 tius ornatus et habitus immutatio? In quo folio confederis: et  
 altiorē tu quidē locū sortitus es, sed nō tutiorē sublimiorē, nō  
 securiorē. Terribilis prorsus, terribilis est locus iste. Locus, in- Gene. 28.  
 quā, in quo stas, terra sancta est: locus Christi est, vbi steterūt Exod. 3.  
 pedes eius. Locus illius est, quē cōstituit Deus dominū domus Psal. 131.  
 sue, et principē omnis possessionis sue. Isteq; Sacerdotij tui ex Psal. 104  
 ternus habitus, tuę mētis ornatus designatio est. Nā Pōtifi-  
 calē gloriā, vt dixi, nō iā nobis honor cōmēdat vestiū, sed splē-  
 dor animarū. Quicquid igitur ista velamina in fulgore auri,  
 in nitore gemarū, et ī multimodis operis varietate significāt,  
 hoc in tuis moribus actibusq; clarescat: vt his vtaris ad edifi-  
 cationē, nō ad destructionē, ad ornatū ordinis, nō ad fastū per-  
 sonę. Domabis lupos, sed ouibus non dominaberis, pascēdas  
 vtiq; non premendas suscepisti: tene mediū, si non vis perdere  
 modū. locus mediū tutus est, mediū sedes modi, & modus  
 virtus. Vt qui nunc gloriosus et conspicuus in hoc habitu no-  
 bis omnibus appares, eundē te in hac ipsa stola integra et im-  
 maculata, iusto & incorrupto iudici sistas, vt hic ipse habi-  
 tus et ornatus illo die splendor et decus sit in te, nō testimoniū  
 contra te. Et quod humano ore iam diceris, ante eius qui teta-  
 li dignatus est honore, equissimos oculos exstas. Benedicat  
 igitur tibi Dominus ex Syon, vt videas bona Hierusalem.  
Det verbum euangelisanti virtute multa: ipse dexterā tuam

manu.

*manu sua teneat, & in consilio deducat, & cum gloria  
 sciatur: Pastorem pascat, ductorem ducat, ut ipsius  
 gregem scite ac perite pascas, & videas filios  
 filiorum ministerij et functionis tue: pacem  
 super Israel. Dicat omnis populus,  
 A M E N.*




# MATTHAEI XVI.

*Quid enim prodest homini, si mundum vniuersum  
 lucretur, anima vero suae detrimentum patia-  
 tur? Aut, quam dabit homo commu-  
 tationem pro anima sua?*







C.4.9.



